



Arm. & Arm.
H. II. 10.

Conuentur

Das buch **R**egimen **s**anita-
tis genannt. **D**az ist. **W**ie sich d
mensch halten sol das er in ge-
sundheit beleib.



Das **ii.** **blat**

Wienach volgt ein nützlich
regiment wer sich darnach hal-
tet d mag sein leben lang in ge-
suntheit behalten.



Ob d heilig weis
sag beschreibt vñ
spricht. Herze du
hast gesezt eyn
ende dem leben d
menschen das nie
mandt übergeen
mag. Vnd zu dez
selbē end das got
einem jecklichen

gesezt hat kōment vil menschen nit vñnd
sterbend ee das jr end kōmpt. der seind vier
lej menschen. **D**ie ersten seind die gerech-
ten sāligen mensche die got nympt auß di-
sem leben vor irem end. als der weis Salo-
mon spricht. *Captus est iustus.* Daz ist so
vil gesprochen. Der gerecht wirt auß disez
leben gezuht vor seinem end das er von d
bosheyt der sünd zu dem bösen nit verkeert

Der erst **Tepl**

werd. Vnd das zucken auß disem leben beschihet von besundern genaden vnd fürsichtigkeit gotes. ¶ Die andern menschen die zu irem rechten end nit kōmen. seind die fräuelichen sünd den von irer sünd wegen ir lebē wirt abgezogen. Vnd von den schreibt d̄ heilig David in dez psalter vnd spricht. Vi ri sanguini et dolosi. D̄z ist als vil gesprochen. Die mensche des plütes das ist d̄ sünden vnd der boßheit pringent ir tag nit zu halbem end. Vnd das ist die vrsach daz vil menschen jung sterbent. Darumb ob du lāge wilt leben / so leb in gotes vorcht / wann wer gotz fōrchtig ist / als d̄ weyß Salomō spricht. Timor domini est fons. Daz ist gesprochen. Gotes vorcht ist ei lebētiger prūn. Gotes vorcht gibt langes leben / dem wirt gegeben ein lebentiger prūnn der genaden gotes vnd ein leben auf erden. ¶ Die dritte menschen die zu irez rechten end nit kōmen / seind die von geschicht in wasser / in feuer / od̄ in streyten schaden nement. ¶ Die vierden menschen die zu irem rechten end nit kōmen seind die / d̄ye do vnordenlichen leben

Das iii. blat

mit essen mit trincken vnnnd mit vnkeüsch
Von den spricht der maister Galtenus. das
mer menschen sterben von vnoordnung ires
lebens dann rechtes todes. Vnnnd wer also
stirbt das ist grosse sünd/wann er ist schul
dig an jm selber. Darumb wiltu lang lebē
so bis mässig vnd halt dich ordenlich. Als
du hernach geschriben vindest in disez büch
volgestu diser ler so magstu lang leben. Le
best du aber vnoordenlich vnnnd volgest mit
der ler/das ist vsach das du jung stirbest
vnd kümest nit zu deinem rechten end. Der
menschen leben ist gleich einer kerczen die
angezündet ist/prýnt die on alle widwer
tigkeit. vnd läßt man die selber prýnnen bis
an das end das sy selb erlischt sy erlischt on
allen üblen geschmack od Rauch. löschet mā
sy aber fräuelich vor der rechten zeit des en
des so kompt dauon ein böser geschmacke
Des gleichē ist auch mit dē menschen. lebt
er ordenlich in mässigkeit so prýnt er inwē
dig auß als ein kercz vnd erlischt. das ist er
stirbt sensükliehen on grossen schmerzē. le
bet er aber vnoordenlichen so stirbt er des re

Der **e**rst **T**eyl

chten endes vnd so muß er von not wegē
berücklichen sterben Also hast du die vrsach
warumb ein mensch senfter stirbt dann der
ander. Der menschen leben ist kurz vñ hat
mangerley widerwertikeit vnd siechtum.
Darumb hat got wider alle widerwärtig
keit dem menschen gegeben vñnd gelassen
zü steur mangerley hilf mit kraft d̄ kreüter
vnd lernmaister die on zweifel all jr kraft
vnd kunst von got haben als der weiß Sa
lomon spricht. Omnis sapientia a dño deo
est et cū illo. D̄z ist gesprochen. Alle weyß
heit ist von got dem herzn. vnd ist ewiglich
bey jm gewesen mit der d̄ mensch wiß alle
widerwertikeit d̄ natur sich mag bewären
das er s̄alikhch kōme zū seinem rechte end.
Vñ darumb hab ich in besunderer lieb vñ
gedechtnuß dem edlen graffen Rüdolf vñ
Hobenburg meinem genädigen herzn. vñ
frauen Margarethen geporn von T̄yer
stein seiner haushfauen meiner genädigen
frauen weyß gesucht vnd zesamen gelesen
aus den bewärten maistern der natur vnd
d̄ ertzney. D̄ise nachgeschribne ler die mag

Das iii. **blat**

man nennē Regimen sanitatis. Zu teütsch das büchlin vonn der ordnung der gesunttheit. Das ist geteilt in vier teil/als mā her nach geschriben vindet.

Aristotiles schreibt zu deꝝ grossen künig Alexander dise nachgeschribne ler.

Aristotiles schreibt zu dē künig Alexander in dem büch von d' ordnung der fürsten also. Alexander wiltu gesund sei so soltu mercken was ich dir sagen will. Vnd hüt mit allem fleiß deins leybes das du die natürlichen hiez vñ feüchtheit nit verlierest. Vnd wer auch das nach d' le re Aristotilis volbringen wil der muß wißsen die natur der zeit im jar. Vnd wie er in jecklicher zeit leben sol. darüb sagt d' yse ler zum erstē vō dē vier teylē des jars. vō dē lēzen. dē Sūmer. dē herbst. vnd dē wintter. Auch von dē .xij. monaten. vnd dē vier complexē die ei jecklich mēsch vō natur zesamē seczen ist/daz ein mēsch sein leben darnach künde regieren. Dꝝ ander teyl sagt wle sich d' mensch mit essen vñ trinckē schlaffen vñ

Der erst Teyl

wachen / aderlassen vnd erezney halten sol.

Dz dritteil sagt von d pestilēcz: das ist so die menschen an den trüsen od plattern sere sterbend. **Dz vierd wie mā ein gesunden menschen erkennen sol.**

Von dem gelencze.

Vier zeit seind im jar die du merckē solt Die erst ist der Lencz. der hebt sich an santt Peters tag an vor vashnacht. Vnnd endet sich an sant vrbans tag. die selb zeit ist heiß vnd feücht von natur. vñ geleicht sich de3 luft. In d selben zeit wechst d3 plüt d3 auch feücht vnd heÿß ist als er genatürt ist. Darumb alles d3 feücht vnd heÿß ist d3 ist güte in diser zeit. hüner. läpfleisch. güter wein aÿer seind gesund / sund in d zeit. Durch d3 gancz jar ist nit besser erezneyen vñ adlaßsen denn dise zeit / wann sy pringt alles d3 wid d3 durch d3 gancz jar vöschwüden ist.

Von dem Summer.

Die and zeit des jars ist d Summer. der heiß vñ treuckē ist. Zu d zeit wechst die Colera / d3 ist d3 schwarz plüt. vñ gleicht sich de feür. d3 auch heiß vñ treuckē ist. Vñ d co

Das **v** **blat**

lericus sol sich hüten vor allē dē das trucken ist/wenn das selb ist im dēn schedlich w3 kalt auch feucht ist d3 ist güt in dýser zeýt Vor allerhand ertzney vnd vor lassen soll man sich hüten beý namē im Augsten. Mā sol selten baden. vnd sol sich ser hüten vor überessen vnd übertrinken. Vnd die zeýt hebt sich an an sant Vrbans tag vnd wert biß Bartolomej.

Von dem Herbst.

Die drit zeit ist d herbst. d ist kalt vñ trucken/da wechßt inn ein feuchtikeit heýßt Melancolia. die ist auch kalt vnd trucken. Vnd geleychet sich d erden. Zu d selbē zeit sol man güten wein trincken vnd essen koste die heýsser natur seý. Wenig sol mā zu adlassen. Saur tranck sol man mit trinckē. Wer gesund wölt sein d sölt im herbst mit mer dann ein mal des tags essen. Vnd die zeit hebt sich an an sant Bartholmeus tag vñ wert bis auf sant Elementen tag.

Von dem Winter.

Die vierd zeit ist d winter/d ist kalt vñ feucht. vñ gleicht sich dē wasser. vñ wechßt

Der erst Teyl

die feüchtheit darinn in dem menschen die da heist flegma. In 8 seind heisse ding gar gut vñ truckne. Vnd alles das gepfeffert vnd gewürct ist das ist gut/so mag man auch mer essen vñ trinckē dann im Sūmer. Der magen ist dann aller heÿsest. vnd dÿe dāung aller pest/so seind die vogel vñnd wildprāt zeytig. Ist dann sein not so mag man trincken vnd ercznei nemen. Vnd zū dē adern lassen den dann lassens not ist. vñ die zeit hebt sich an an sant Clemens tage. vnd wert bis sant Peters tag.

Von den zwölff monaten Vnd wie man sich darinn halten sol.



Er allerweÿsest maister Hippocras d gab dise ler vō dē .xij monaten in eÿm lād da er inn w3. Nū hat sÿ eī maister allso geschriben dz mā sich in allē lā den wol darnach mag richtē wie mā sich in eī ðecklichen monat sol halten dz man sich vor siechtūb hūten künd vñ gesuntheit ge wÿnne des leibs.

Vō Jenner
In dē monat Ianuario. d monat heÿÿt

Das vi. blat

jarmonat. In dē sol mā nüchter trinckē ein
trunck güts weins. Mā sol nit ad lassen es
sej den not/ so laß mā ein wenig an d haub
tead. Saure trāck sol mā nit nemen mā sol
mit mittel speiß effē die wed zū kalt noch zū
heiß ist. Mā sol selten baden. Imber. polay.
ysop vnd venchel mit wein temperiert vñ
des genossen ist güt in d zeit vnd reyniget
die prust. nägeln. zitwar vnd galgan vñ
jngwer die seind gemalen güt im wein od
on wein genücz ist güt in dýser zeit.

Von dem Hornung.

Im hornüg sol mā adlassen vñ trāck ne
men wāñ not ist. wein ist güt getrunckē
oft bad in schwaiß badē. vor pyer vñ met
hüt dich. trēck des nit zeuñ. sy seid vngesūt
in disem monat. wein ist gesund in dē mo
nat. vnd bekūmenlichē zū trincken. Saure
kost ist dan gesund. hōnig neuß wamit du
wilt/ wāñ es reyniget die prust vñnd die
plaser.

Von dem Merzen.

In dem Merzen sol mā nit zū ad lassen/
noch tranck nemen. In dē mercz sol mā rāt
tich essen vñ i schwaißbadē sol mā oft badē

Der erst Tepl

durch die hÿren feuchte sol man mässiglich
trincken. Wein ist gesund vñ ymber ist gü
te zu essen vnd gesund. Dein tranck sol sei
rautten. lübsäckel. salua. pfeffer vnd Ym
ber soltu trincken in dem mercken so beleÿ
best du gesund.

Von dem Aprillen.

In dem aprillen sol man lassen zu adern
an wellichen enden es dem leyb gut ist. Do
soltu lassen/ on allein an der lüg adern dÿe
sol man niemant lassen rüren der meins ra
tes volgen will. Wer es darüber tüt d wirt
es gewar das es jm nÿmmer wol kompt.
Von der medien sol mā lassen das ist in di
sem monat vil nützlich vnd bekümenlich.
Baden sol man oft. Gepratē fleisch soll mā
gern essen jm aprillen. Allerley hand jüges
flaisch ist gesund on allein junge vāherlei
Saure trāck vñ fürbüg sol mā nemen. Vñ
ercznei sol mā pflegen dē sein not ist. zu der
zeyt bekümet sy gar wol. Man sol auch trē
cken mässighen. mā sol schreppen vñ mit
köpffe lassē wiß dz kracze/ wē des mēschē
plüt wechset in d zeit. rautē vñ fenchelsamē

Das vff. **blat**

patonien vnd bibenel mit hönig temperiret od mit wein gesotten soll man nüchter niessen durch den magen vnd durch den leibe allen/wann das ist gar nütz vnnnd gar heilsam zu der zeýt.

Von dem Mayen

In dem mayen sol man lassen zu aderen an welllichem ende es not ist an dem leib. es ist allermaist nütz das man laß an dē baynen durch das das sich das plüt zūtal sencket in der zeit vñ samlet sich in die baim. **Mā** sol sich auch hüten vor bösem flaisch. vnnnd auch vor bösen vischen **Mā** sol nit vil weynes trincken. **Mā** sol zu rechter zeýt essen. **A**lle bad die seind dem leib gut. vnd besunder würtzbad. **Mā** sol nit zürnen/ wann dauon wirt die vergicht. **Mā** sol nemē lautern wein vnd gayßmilch. vnd sol dz hant damit bestreichen vnd die prust/dz ist gar gesunde. **S**aure tranck sol man nāmen vnd erzney pflegen der jr bedarf. **Z**ygenmilch ist denn gesunt heilsaz vnd bekūmenlich zenüczē vñ nüchter zetrinckē. wer müet od menie/ garb. patonie. bibenel. fench

Der **erst** **Tepl**

el. lübsäck. poley vnd r̃sopp die sol mā nū-
tzen/ das ist gūt das mā die sied vñ trīnck.
An d̃ haubtauß soltu lassen so ringert sich
das haubt vñ d̃z plūt. Des nachts soll mā
wolgedeckt sei vñ warem geben dē herczē.

Don dem Brachmon

In dem Junio das ist der Brachmonat
mag man wol aderlassen wem es not istt/
Mā mag auch in disem monat wol erzney
pflegen die den leüten vñnd dem vihe gar
nütcz ist. Vnd ist gūt das man vor dem aug-
sten dez leib helf. Man sol sich hūten d̃z mā
kein milch es sy sey dann gar gūt vñ wol
gesotten. Kāß sol man in der zeit wenig es-
sen/ wann er ist vnngesund. In disem mo-
nat sol man sich hūten vor newem obs daz
man es nit es. Ist das man obß yßt so soll
man zehand gūten wein darauf trīncken/
so schadt es nit. Eppew saumen mit pfes-
fer gemengtet sol mā nūchter essen d̃z ist gū-
te vnd gesund. Vor jūgen pyren hūt dych
wann es nit wol kōmet in disez monat. es
ist schedlich. zū d̃ zeit sol mā nit frū anpeiß
sen. In disem monat sol man auch lautern

Das viii. blat

wein trincken das ist dan vil bekūmenlich
Wein mit alant vnd mit lorbern gewermt
ist gesund zū trincken / das seübert die pru
ste vnd den magen. **M**an sol auch in dýsem
monat frū auf steen vnd zū mittag ein we
nig schlaffen. **M**an sol in kaltem wasser oft
baden. **D**ein tranck sol in disem monat sei
patonien. salua. sambobini. vñ zitwar. vñ
dem soltu trincken wilt du gesund beleibē

Von dem Hewmonat

In dem Julio Das ist der Hewmonat.
Das der Augstmonat ist So heben sich an
die tag in dem sich ein yecklich mensch hū
ten sol / wann die tag seind gar āngstlichē
das man sy nennet in d̄ geschrift d̄ye hūds
tag also besorcklich ist die zeit ī disen tagē.
Man sol auch nit zū aderlassen noch getrā
cke nemen / wann es wār vil vngewārllich.
würde zū der zeit der magen vnd das hirn
D̄ye leber oder die lung. **O**der das milcze
mit keynerley d̄ing beweget als gar sorg
klichen ist es in disem monat So würd vil
leicht dē herczē vñ auch dē gāczē leib so eng
d̄z d̄ mensch ersticken müßt. vñ gāhes tods

Der **erst** **Teyl**

ersterben. Darumb sol man nit getr  ck n  men noch nit lassen dann nun in den baden mit k  pffen wem es not ist. In sensten baden mag man wol n  chter baden Man sol in disen zwey   monaten gar wenig weins trincken durch die d  rre des magens vnd der lebern. Kalt wasser sol man n  chter trincken alltag in disem monat wider die Colera das man die vertreib. Vnd aller schlahte ding das da gr  n ist das sol man zu diser zeit oft ansehen. das ist g  t zu dez haubt vnd zu den aug  . Gr  ne farb ist allzeit g  te vnd gesund den augen. Darzu geschw  re sol man vertrey  ben in disez monat mit g  ten salben. Nymmer nit in dez jar k  met es also gern als in disem monat. Zautten safft vnd Ysoppensaft vnd Eppensaft sol man mit h  nig mischen. vnn   sol den hal   vnd die kelen damit bestreich   das ist gar g  t. In keiner weis sol man die geschw  re vnd die dr  sen in disen zwey   monate aufst  chen als lieb im sein leib vnd leben sey. In aller ma   sol m   sich h  ten in disen monaten. vnd allerma  st vor b  sen vische die

Das ix. blat

In pfüczigen vnd faulen wassern seind an den yst man schier den tod. In disen monaten sol man kól vnd lattich vnd pappeln mit essen/ wann sy haben aytter vnd vngifft in in zu diser zeit. Es ist auch gutt das man in disen zwej monaten oft aß. salua. knoblach. vnd rohen speck/ das ist nütz vnd gesund. Man sol auch wenige baden in dyßen monaten. Aym auch rautten. tillen. gaman. driam. saluey. poley. venchelsamen. vnnnd lübstücksamen. liechte. benedicte oð menie/ vnd sôlt die mischen mit guten würczē die mit zu heiß seind. vnd mit süßem holcz vnd mit aniß mit zucker gemischt vnnnd getemperiert. vnd sollt ein puluer oð latwergen dauon machen. vnd sol das oft nützen So werestu dich wid die grossen hitz die in disen monaten ist. Vnnnd bist behüt vor aller hand vngesüchtheit des leibs. vnd vor siechtumb die dir widfaren möchten in dyßer zeit.

Der ander Augstmon.

In dem andern Augstmonat sol mā nitt aderlassen. vnd auch kein getranck nemen/ Man sol sich vor überessen vnd trinckē ser

Der erst Teyl

hüten vnd vor neuem obß. Man sol rosen-
wasser vñ baumöl vnd den taw in ein gla-
se vahren vnd sol daz zu samen mengen. vñ
sol die prust damit bestreichen das ist zu di-
ser zeit gut. Man sol gar oft in kalte was-
ser baden durch die grossen hiez/ wann hüt
man sich mit vor der hiez. so erwallet sich dz
hÿren das der mensch villeicht möcht hau-
btesiech werden. **P**oley. **H**autten. **V**enchel
Epphe w. **S**oppen samen. **K**orber. **A**lande
vnd tū darzu baumöl. Vnd daz sol man al-
les mit hönig durch einander temperieren.
Vnd sol auch den ganczē leib damit besch-
mirben vnd auch bestreychen. Vnd das sel-
big bestreichen ist gar gesund für allerley
vngemach vor newem met vnd neuen bye-
ren soltu dich hüten. **C**ynamom soltu in di-
sem monat oft nützen. **K**alte ding die von
kalter natur seind die seind in dysem mo-
nat gut zu essen. als lattich vnd pfeffē trin-
cken soltu. **O** manie benedicte. poley vnd
wegpraÿte. das wiß fürwar das die zu di-
ser zeit gar heilsam seind.

Der erst Herbstmonat

Das x blat

In dem ersten Herbstmon mag mā wol einem yecklichen menschen mit aller schlächter ertzney helffe. wān aller fruchte würczen vnd saumen vnd alleerley ding ze ytig seind. was man zu ertzney über jar bedarff das sol vnd muß man allermaist in dýsem monat vnd in dem mayen gewýnnen. w3 in dez mayen an ertzney versaumpt ist des mag man sich in disem monat erholen oð erfüllen. Tríncken soltu in disem monat tosten. malageanat / oder menie. Zýgermilch soltu niessen die mert die das plüt vnnd ge wýnnst ein gúte farb.

Der ander Herbstmon.

Vnd in Octobri in dez andern herbstmonat ist gút das man zu aderlaß vnd teäck nām der sein bedarf. Man sol aber beware das man nicht zu vnfügklich der neuen fruchte nyess. Böses obs vnnd ander dinge / wann daruon vylleychte dýe plasen czerprichet. Vnnd das hyren also gesert würd das der mensch gar leichtgklichen vnd sch nällgklichen siech würd das er es nymer mer überwünde. Weinber seind den zeitig.

Der erst Tepl

zeniessen vnd most zetrincken / wann dauo
wirt der leib waich. **M**örrätich vñ bibenel
ist gesund. **S**enf ist nütz in allerhand spey
se. vogel vnd wildprät ist ze ytig vnd gesu
de nāgelin vñ zymmerind ist güt zenüczē.

Der erst Wintermon.

Nouember ist der erst wintermonat. dar
inn sol ein yecklichs mēsch seins leibs pflē-
gen mit ercznej. mit lassen. mit getrāck ne-
men wer sein bedarf. wann ein jeklich mē-
sche sol sich dann warm halten gegen dem
froßt vnd der kelten die den krancken leü-
ten gar schedlich ist. Lassen mag mā zu der
adern an wellichē enden es den menschē not
ist. **Z**ygenmilch ist dann güt zeniessen vnd
gesund / wann dauon mērt sich dz plüt. vñ
macht den leib gar wolgesar vnd gesund
vnd daz antlūcz schön. wenig vnd seltē sol
tu baden / wann in disem monat soltu sch-
waishbaden meÿden. **I**n keinem monat du-
rch daz gācz jar ist baden so vngesund als
in dē monat. **T**rincken soltu **C**ynamomuz
imber vñ garbe dz sei dei trāck darā vñstu
geslūtheit ob du die trickst stāt in dē monat

Das .xi. blat

Der ander wintermon.

December ist der ander wintermonat dz dann der letst monat ist in dem jar. darinn sol man nit zu aderlassen / wann 8 mensche in disez monat aller mynst plüt hat myn- der dann in keinem monat durch das gacz jar. Darumb ist es nit gut das man darin laß zu der adern. Ist sein aber not das man sein nit embern mag / so sol man wenig plütes dauon lassen. Vnd an der haubtaderen ist es aller bekümelichest vnd nützlichest das man ein wenig plüt dauo laß. Köl sol man in disem monat nit niessen wān sy ha- ben in der zeit vergift in in. Vnd ist vil sch- edlich als in dem augsten / darumb das der mensch ist in diser zeit on blüt. Vnd das er sein wenig hat. durch das sol man in disez monat nyessen Imber. galgā. zitwar. mus- cat. bertram. vñ muscat plümen. cardomo- men. nāgelin. cubeben. cynamomū vñ and- gut würcz. Man sol essen gepfeffert vñ ge- würczte speiß. Muscat sol man oft niessen. wann die gibt guten geschmack vnd kreff- tiget das plüt vnd das hercz vnd allen leib

Der erst Teyl

das tůnt auch muscat plůmen. Dein trāck
sol sein in disem monat spicaberteā imber
vnd scimbam vnd and gůt wůrczē die ich
daruoz hab genennt. Reüfestu ođ trinke-
stu sy in disem monat / so ge wýnnestu ge-
suntheit an allem deým leib. **W**er dýse lere
fleissiklich behelt vnd jr volget đ vermej-
det siechtumb vnd hat ymmer die weil er
lebt gesunden leib. vnd lebt vil deſter lēger
Es ist zů wissen als in einem jeklichen mo-
nat geschriben ist von eým trāck. daz ist zů
verſteen das man das nüchter in yecklichē
monat als oft man will in suppen weýß
niessen sol.

Wauon der mensch geschaffen sei.

Ein yecklicher mensch ist geschaffen von
vier feüchtikeit đ element / das ist von erdē.
von wasser. von feür. vnd von luft. **Vñ** wō
den hat ein yecklich mēsch besund farb. ge-
stalt vnd sitten einer andōſt den der andō. **Dō**
đ erdē ist đ mensch schwarz vnd trucken. wō
dē wasser ist đ mēsch kalt feücht vñ weiß.
Von dē luft ist đ mensch warm feücht rot
vnd schön. Von dē feür ist đ mensch heýße

Das xij. blat

trucken vnd pranner farb Als man hernach
geschriben wirt vñden in yecklichẽ be-
sunder. Vnd von den vier elementen ist ein
yecklicher mensch beschaffen. Vñnd welli-
ches vnder den vieren an dẽ menschen mer
ist nach dẽ wirt d mēsch genatürt. also hat
er der erden mer so wirt er ein **Melancoli-**
cus vnd wirt gleich dẽ herbste vnd d erden
natur. hat er aber des wassers mer so wirt
er genennt **Flegmaticus**. vñ wirt gleicht
dẽ wintter vnd wassers natur. Hat er des
lusts mer so wirt er ein **Sanguineus**. vnd
wirt gleich dẽ lenczẽ. vnd ist des lusts na-
tur. Hat er des feurs mer so ist er ein **Cole-**
ricus vñ ist gesitt nach d natur vñ wirt dẽ
summer gleicht. Von dẽ vier cõplexiõ ey-
genschaft soltu mercken. ¶ Zum ersten vñ
der edlen **Sanguinea** bei welichẽ zaichẽ du
die solt erkennen. vñ darnach die andern

¶ Von dem edlen Sanguineus.

¶ Ein sanguineus als vns schreibt **Aristo-**
teles ist ein mensch geschaffen von dẽ vñer
elementen/ da des lustes natur mer ist dan
des menschen natur. vñ ist warm vñ feucht

Der erst Tepl

wirt geleichet dē luft vnd lenczen. vnd ist die edlest vnd allen complexen. Der mēsch d̄ der selben natur ist d̄ ist von natur d̄z er lieb hat vñ lieb wirt gehebt. Er ist milt zū erlichen dinge. Er ist frölich zymlich. Er ist weyß vnd klüg auf erber sach. Er hat rote schöne farb. vnd singt wol. vnd ist leybig vnd faÿst mit zeuil. Er ist kün vñ mütig ze gūten dingen. vnd ist gūtig vnd lind an d̄ haut. vnd stāt vnd vest an sein sachē. er ist mit schāmig vnd mag wol vnkeiischē. Vñ begert sein vil/wān er ist warm vñ seÿcht er wirt gern wolgeleert vñ weiß. vñ machet gar edle kind vnd mer sūn dēn tōchtern. Er darf wol gūter hūt d̄z er sich vil ser hūt vor allen grobē dingen. Vnd besunder vor allen hiezigen vnd feüchten dingen.

Von dem Melancolico

Ein Melancolicus ist ein mēsch geschaffen von vier elementen da der erden nature mer ist. vnd der mēsch ist kalt vñ treucken vnd wirt geleich d̄ erdē vnd dē herbst. vnd ist die vnedlest complex. Der mēsch d̄ der selben cōplex ist/d̄ ist gern kräck vñ geitig

Das **xiii.** **blat**

traurig vnd äschenfar. träg. vntreü. vñ o-
gen. vnstät. vnd hat allweg ein bösen ma-
gen. vnd ist vorchtsaz. Er hat böß begirde.
vnd hat erlich ding mit lieb. Er hat ein plö-
den sün. vnd ist vnweiß. vñnd hat hörter
flaisch. Er trinckt vil vnd yßt wenig. Mit
wol mag er helfen. Im ist not dz er sich hüt
vor allen speyßen vnd dingen die kalt vñ
trucken seind. Alle ding die warmer vñnd
feuchter natur seind die seind im gesunde
als guter wein vnd gut gewürcz.

Von dem Colerico.

Ein Colericus ist ein mensch geschaffen
vñ vier elemēten d̄ des feüers mer hat. vñ
d̄ mensch ist heiß vñ trucken von natur. vñ
wirt geleich dē feüer vnd dē summer. vnd
ist ein mitle complex mit zeuñ edel noch zu
vil vnedel. d̄ mensch ist plaicher farb. trickt
vil mer dēn er yßt. Er ist kletner gelid. ma-
ger. vnd eins schnallen grymmen zorns d̄
ist im schier hin. Er ist kün vñ schnall mit
allen sein dingen. Vnd redt vil. vnd ist vn-
vorchtsaz. vnd hat vil hars. vñ dz ist hert
vñ die ob̄ern teyl̄ seis leibs seind im grösser

Der erst Tepl

dann d̄ye vnderen. Er ist milt zū erbern d̄n gen vnd ist vnstät. Er begert vil zū halsen vnd mag wenig. Im ist not d̄z er sich hütet vor aller speiß die hiezig vnd truckē seind im ist gesund alles d̄z kalt vnd feucht ist.

Von dem Flegmatico.

Ein Flegmaticus ist ein mensch geschafften von den vier elementen da des wassers natur mer ist. vnd d̄ mensch ist kalt vñ feuchte vnd wirt geleicht dē wasser vnd dez winter. d̄ mēsch ist wasserfarb. hat vil flaisches. hat kleine gelid. vnd ist zornige. Er yßt vil vñ trinckt wenig. trāg. schlaft vil. hat waichs har. begert nit vil zū vnkeiſchen. vñ mag sein vil. Im ist not zehütē vor allen kalten vnd feuchten d̄ngen. Im seinde gesund vnd nütz alles d̄z heiß ist vñ trucken von natur.

Das ander buch vnd der and
teil sagt von der ordnung der ge
sundheit.

Das **xiiii.** **blat**



Vicēna der hoch
maister beschrey
bet vns in dez bü
che von der sache
d̄ gesuntheit vñ
der krankheÿtt.
vñnd des todes/
vñd sprichet. das
d̄ye leychnamē d̄
menschē zweÿer-

handt schäden vñdertānige vñ vñderwür
fige seind. Vñd der schäden yēcklicher hat
seinen vrsprunge ett wan inwendigen. als
so d̄ye natürlích feüchtigkeÿt der vier Ele
menten da wir von geschaffen seÿen trāge
vñnd faul wirt in den menschen vñnd auch
darzū überflüssig. Daz ist so der feüchtikeÿ
te vñnd des plütes zū vil wirt. Do empfa
het dann der mensch ett wan vñnd gar oft
tötlich vñnd mercklich schäden daruon.

D̄ye ander sache d̄ye ist d̄ye. So nun der
natürlích feüchtigkeÿt d̄ye vier element
von wellichē vier elementen denn d̄ mensch
geschaffen ist zū wenig ist/da auch söllicher

Der ander **T**epl

grosser schad dauon kömpt. vnd das köpt
von überiger hÿcz vnd kelte d lebern vnd
des magens. vnd von vngeordnetem lebē
mit vnmässikeit essens vnd trinckens. Vñ
darüb ist not das d mensch d gesund wÿll
kömen zu dem end des sterbens das vns al
len von got aufgeseczt ist ordenlich sich hal
te mit essen vnd trincken. mit badē. mit ad
lassen vnd andōn dingen vō den hernach ge
schriben steet. das sy ordenlich vnd natürli
chen zu rechten zeÿten geschehen so behaltē
sy sich gesund. Wer aber der vnoordenlichen
selben dīg zu vnzeÿten praucht. d muß vō
not wegen krank vnd süchtig werde. Vō
den dingen allen steet hernach geschriben.

Ite zu dē ersten vndestu geschriben wÿe
sich d mensch vor dē essen halten sol. **I**te
darnach von dem schlaf wie sein d mensche
geprauchen sol. **I**te darnach vō dē badē.
Item von dē aderlassen zu wellicher zeit
vnd wellicher stund. vnd zu welicher ader
eÿm jecklichen mensche ein yecklichs siechē
gesunt sei zu lassen. **I**te von dē wüle prä
che oð vndewē wāns gesund oð schad sei

Das .xv. blat

Wie man sich vor dē essen haltē sol.



Du solt wissen zum ersten daz d' magen in dē menschen ist recht als ein hafen beÿ eÿm feür. so ist die leber als das feür beÿ einem hafen. So man die koste wil sieden so muß man das feür vor anzünden. Also in d' gleichnuß sol auch d' mensch ee das er zum tisch siczt die natur anzündē vnd sich bewegen vnd ein weil hin vñ her spaciern / oð sunst mit eier mässigen arbeit sich üben bis er erwarmet vñ rot wirt vñ der dem antlūcz. damit wirt erkücht vñ entzünd die natürliche wüme. vnd d' magē wirt begirig vñ lustig. vnd die speiß bekümet darnach dē menschen wol. Nach dē essen söl der mensch mit arbeÿten noch seß lassen vnd springen / wann das hart schad ist. Er sol ein weil gar gemächlich siczē. vñ darnach wol sitlich hin vnd her spaciern geen. vnd von d' ordnūg von dē essen. vnd darnach spricht Auicenna. Es köpt dē mēschen vil gesuntheit dauon. die leblīchē geiste werde dauō erkücht. die natürliche wüme

Der ander Teyl

me dauon entzündet. die gelid werde dauon gering. die bösen dünst vñ feüchtheit werden dauon außgetrieben. Der mensch wirtt lüßig vnd die ganz natur gesterckt. Vnd darumb so du zu deztisch wilt geen tû als hie vor geschriben ist so behaltest du die gesuntheit vnd langes leben.

Von de essen vnd wie d mēsch essen söl.



Er gesuntheit wil pflegen der söl ei gute ordnūg haben mit d speiß die er nützen wil. wye dz ist in welcher maß. vnd zu welcher zeit. vnd wienil. das es wid die natur nit sey/ wann es prächte große siechtūb. Darūb Auicenna schreibt im buch von d ordnūg d speiß. Der mēsche söl nit ee die speiß messen bis er begirig ist vñ d magen sol vor gereiniget sein von d vordn speiß/ dz ist dz er zu stul gangen seye. ee er zum andn mal eß. wenn aß d mēsch ee er natürlich dazwischen zu stul gieng so v unreynet die vord speiß die nachgeende vñ das die speiß die natur beschwären würd/ vnd wär nit bekūmēlich. Auch so d mēsch

Das **xvi.** **blat**

empfindt das er lust vnd begir hat zu essen
so sol er das essen mit vziehen. Vnd des gibt
vrsach Auicenna vnd spricht. So d mensch
hüger leydet über lust das ist so er das essen
vzeühet. vnd im d hunger vergeet / so wirt
im dann d magen voller vnreynner feüchti-
keit das dann gar schedlich ist. **A**sis d
spricht. So man dz essen vzeühet bis das d
lust vgeet so wirt zehand die kraft d begir
de zerstört. vnd der mag wirt voller böser
feüchtheit. Darüb sol man aÿgenlich mer-
cken vnd vsteen dz man zu eÿm mal mit ze
vil es / das d mag nit zu vol werd. also das
sich d mensch dāne. vnd der athem schwāre
werd. wann es gar vngesund ist. Der mē-
sche sol mit lust aufhōren. dz ist dz er sich mit
füllen sol als die vnuernüftigen tier. wār
aber dz d mensch empfand dz er zeuñ ge esse
vñ sich mit speiß oð trāck überlade het. So
spricht Auicēna dz d selb des nächstē tags
darnach lāg vasten vñ hūgerig werde sol.
vñ lāg schlaffen do es mit zekalt oð warm
ist / mag er aber nit schlaffen so üb er sich fa-
ste mit arbeit. vñ trick ei wenig klare wei-

Der ander Tepl

vñ sollen nit mer essen dann vor sein gewo-
heit gewesen ist. Ei maister der heist Almä-
sor der spricht. So der mensch empfindt dz
zü vil geessen hat so sol er zestünd ee sich die
speiß in dem magen niderseczt ob er mage
wider von jm lassen faren. wår jm aber daz
zü hert so trinck er ein wenig warmes was-
sers so geet es dester leichtlicher wið vñ jm
Vnd dise ler gibt auch Galienus in seynez
büch genant Tegin. Es ist auch zü merck-
en als Almanzor spricht das. daz den mage-
ren menschen die täglichen nun ein mal æß-
send gar schad sey vnd den saysten mensch-
en ist schad oft essen / doch so sol man darjñ
das mittel behalten das weder czü vil noch
zü wenig sey.

Wie d mensch sein complex sol erkennē.

Es ist auch zewissen das d men-
sche sei complex sol wissen vñ
erkennen als vor aigenlich ge-
schriben ist. ob er sey ein sang-
uineus so ist er warm vñ feü-
chte. vnd so sol sein speiß sein subal vñ kal-
te von natur.

Das xviii blat

Von dem Melancolico.

Ist er ein Melancolicus. so ist er kalt vñ treucken. so söl sein speiß vast feücht sein.

Von dem Colerico.

Ein Colericus ist hiezig vñ treuckē. der bedarf das sein speiß kalt vnd feücht sey.

Von dem Flegmatico.

Ein flegmaticus ist kalt vñ feücht. vñ dard subtiler speiß die warm sey vñ natur.

Von dem Winter.

In dem winter sol der mensche nyessen speiß die von natur warm seind vnd starke/ als rindtflaisch. schäffleisch. schweynin flaisch. hyrsin vnd allerley wildprät.

Von dem Summer.

In dem Summer sol der mensch niessen leichte speiß die kühl seind von natur. als latucken. vnd allerley kraut. zyggenfleisch vñnd lampflaisch. kalbflaisch. jüg hämlin fleisch

Von dem Lenczen.

In dem Lencz sol man mässig sein vñnd lustig treucken speiß von natur niessen.

Von dem Herbst.

In dez Herbst sol der speiß mit zu vil sei

Der ander Teyl

vnd sollē warm sein von natur als vor vñ den vier complexen. vnd von den vier zeite des jars aigenlich vñ besund beschribē ist.

Von der speiß.



Seu il ein mensch zu eym mal essen sol das kan niemant aigenlich schreiben. Aber als galienus schreibt so sol sich d mēsche massen mit d speiß das je nit zu vil sei das sein natur dauon nit werde beschwärt. dz geschihet gar vil so d mēsche trāg ist vnd schwār nach dē essen. vnd den atem tief holt vnd pfinstert. vnd dz die natürlīch wūrm mit gschwecht werd / wān der mensch vil schadens dauon empfahet.

Von der naturen der speiß.

Die speiß d menschen sol nit zu vil hīczi ge sein von natur als pfeffer vnd von sollīchen dīngen die ser hīczigen / wann die verprennen die natürlīchen feūchtikeit zu sere da das leben vast inn ist. vnd da grosser siechtumb von kommet.

Von feūchter speiß.

Wässerig vnd feūcht speiß als Milaun

Das xviii. blat

vnd jr gleich die machen saul vnd prüg den menschen inwendig in dem leib so man jr zu vil neüßt.

¶ Von kalter speiß.

¶ Die speiß die gleich kalt ist von natur als lactucken vnd jr gleich die töten vnd schaden gar ser so man jr zu vil neüßt.

¶ Von der trucknen speiß.

¶ Speiß die trucken seind vñ natur machent die kraft d̄ natur plāen vñ kraftloß

¶ Von saÿster speiß.

¶ Speiß die zu vil saÿst seind als saÿst flaisch/die schwÿmmend in dem magen oben vnd hñderen d̄ ye dāung.

¶ Von süßer speÿß.

¶ Speiß die gar süß seind als hönig die vñ stopfen/die aber pitter seind d̄ ye speÿßen nit.

¶ Von versalczner speiß

¶ Speiß die versalzen seind die vñ prenne vnd zerstören die and̄n speiß vnd machen den magen zu nichten.

¶ Von geessichter vnd saurer speiß.

Speiß die geessicht vñ saur ist so mā jr vil vñ gwölich neüßt macht bald altgeschafē d̄ vorgeschriben speiß ist keine bekūmlich

Der ander Teyl

dem menschen zu vil niessen. Mā söl sÿ temperieren also·ein hieziße mit einer kalten· vnd ein truckne mit einer feüchten·

Wz speiß dē menschen gesund sey.

Dem mensche seind gesund die nachgeschriben speiß·Junges geÿß fleisch· junges lāpfleisch·visch·kalpfleisch die vō d̄ milch kōmen·hōner·kappaun·rephūner·allerley gefūgel d̄z gewonlich ist zu essen· Suppē auß reÿnen steÿnigen frischen vñ sandigen wasser·wayche aÿer·wayczēprot wol geheslet zilmaß gesalczen vnd wol gepachē· das eins tags oð zweÿer alt sey d̄z ist gesūde·Merck hie ein gemeine ler·Die maÿster in der ertznei sprechen gemeinklich·Ob ein mensch lust hat zu essen sayste speiß von d̄ vor geschribē stet die nit gesūntlich ist·vñ schwympt empor in dem magen d̄ sol dar nach essen speiß die nidertruckent schoppēt als kâß vnd pyren/so schadet es mit so sere

Von pitterer speiß.

Ist aber eins d̄z gern speiß neüßt die v̄ salczen oð pitter seind·oð mit essich·die auch der natur nicht bekommenlichen ist als

Das .xix. blat

vor geschriben ist. der sol messen vnd essen
darnach süß speiß als öpfel. dē schat es mit

Von dem wein.

Von dem wein den du trincken solt das
er gesuntheit behalt dē menschen. von dem
schreibent die maister Galienus vnd Au-
cenna. der sol sein alt vnd mit new. wolge-
schmack lauter vnd klar oð ein wenige ge-
mischet mit frischem wasser das reyn vnd
newlich geschöpft ist vnd daz des mit zeu-
il sey.

Wie du wein im

wintter trincken solt.

In dem wintter soltu dein wein mit klar
trincken. wann er vil schedlich ist. vnd zer-
pläet den menschen innwendig vnd erkelt
die natur. Du solt in law machen. Oð sun-
ste ein gemeine ler solltu hÿe mercken dÿe
gar nütz ist. die vns schreibt Galienus. Dñ
spricht. Die speiß soltu gar wol vnd klein
zerpeÿssen in dem mund vnd den wein klei-
recht als ei faden hinein schlinden. dz ist v-
sach oð gesuntheit vñ des langen lebens.

**Wie man sich halten sol. So
man des morgens auff seet.**

Der ander Teyl

Aristotiles schreibt von dē künig Alexander dise nachgeschribne ler vnd spricht. O Alexāder/ wiltu gesund sein vnd beleypben so volg metner ler. So du des morgēs auß dē pedt wilt geē soltu rancken. vnd deine geliß gleich vñ sitlich zer dānen vnd strecken von dē altert vñ erkückt sich die natur vnd die leblichē geist. Darnach so du aufgestreest so sōltu dich fleissen das du dich übest das du die überflissi keit der natur von dir tilgest/ das du zū dē mund außpreüspest vnd zū der nasen. Vnd dein zungen schabest mit eym messer. vnd dich zū dem stül vnd mit dem harm übest. So du das thüst so sōltu dich fleissen aber zū rancken. Vnd ein wenig hin vñ her spa ciern/ dise ding sterckē vnd lustigen dir deī leib. Darnach sōltu dein har wol kāmpen das zeühet dir die bösen dūnst auß dē haub te. Darnach sōltu wāschen dein hend. müd. nasen. vnd augē. In dē summer mit kaltē wasser. vñnd im wintter mit laein wasser. dz antlūcz hend vñ füß in dē sūmer wāschē

Das xx blat

mit kaltem wasser/das pringet guten lust
vnd begird zu essen. Darnach soltu die zän
reÿben mit eÿm lustigen leÿnin tuch dz rö-
sche sey vnd deine naßlöcher wol reÿnige
vnd dich salben mit edler salb. vnd lustige
klaiden anlegen. vnd wolriechēde dīng sch-
mecken/das erfreut die sel im leib. vñ kreff-
tiget dē leichnā. Darnach soltu dich eraini-
gen vnd versōnen mit got dē herzn vnd im
fleissiklich dienen als billich ist. vnd dich de
mütlich gegen im in andacht erzaygen/
Darnach soltu hñ vnd her spaciern an gū-
tem lust. So du das getuist vnd dich in dē
dingē also geübt hast. so tū darnach dz du
gewonlich pfligest zetun bis du lustig wir-
dest zu essen. wann dir nun d lust kömet zu
essen. vnd die natur begirig wirt/soltu dÿ
ch vor etwz arbeÿten vnd üben vnd erma-
nen ee du zu dem tisch siczest als hie vor ge-
schriben steet. wann du dēn begirig bist czu
essen. so verzeñhe es füro mit lenger.

Wz man zu dem ersten essen sol.

Auicenna schreibt ein nützliche ler wöl-
licherley speiß man zu dem ersten essen soll

c iiii

Der ander Teyl

vnd spricht. Wer mit der speiß gesuntheÿt
behalten wöl ð söl eben mercken dꝛ er dÿe
leichten ringen speiß zum ersten nyß. als
gānß. hōner vnd vogel. vnd darnach dÿe
schwāren speiß niessen als das rintflayßch.
vnd gepzates. Ist aber sach das man dÿe
schwāren speiß vor der leychten neüßt als
dürz fleisch zum ersten. vñ dēn darnach ge-
rings gesotens fleisch oð grūnß rintfleisch
vnd darnach kalbflaisch. oð zum ersten ge-
pzatens vñ darnach gesotens. so schwimmet
die ring speiß oben embor jm magen vnd
wirt bald vdeüet. vñ die schwār speiß wir-
det nit bald vdeüet. vñnd ligt lang jm ma-
gen. Vnd die ring speiß die nū schier vdeü-
et ist mag vor ð schwāren kein außgāg ha-
ben. vnd ermodert vnd ersaulet durcheinā
der jm magen / dauon wirt dann die gancz
natur gekrenckt vnd geschwecht. vñ kom-
men dē menschen groß siechtūb dauon. da-
rūb wer gesund wöll sein ð nyß vñ prau-
che zū dez ersten die subtilen speiß. vnd dēn
darnach dÿe groben.

Das man mit zū vil trincken sol.

Das xxi. blat

Hüt dich auch vor überigem trinckē/be
süß vor kalte wasser/wān es v̄dāmpft die
natürliche wärme. hindt die dāung d̄ spei
se/doch von d̄ hitz wegen des magens vñ
d̄ zeit als im prachmonat mag man frisch
prunnen wasser mässiklich trincken d̄z ist
gesund.

Wie man sich halten sol nach d̄ arbeit.
Aucēna spricht nach grosser arbeit sol mā
mit v̄isch essen/wān sy v̄derben den magen
gancz.

Wie man essen sol.

Aucenna verbeüt mangerley speiß eines
mals zū essen als man pfliget in hochzeitli
chen festen/wān vil jczūg d̄ natur vñ schā
den dauon kōmen. an zweyerley od̄ dreyer
ley speyßen sol sich d̄ mensch lassen benügen
wann das ist gar gesuntlichen.

Das man eemals mit essen sol.

Es sol niemant so die speiß halb od̄ eyn
teyl verzert ist in dē magen ee sy gar v̄zert
ist mer darauf essen. als so mā d̄z frū anpeiß
sen zū terc̄z zeit geessen hat. vnd darauß zū
stund zū rechte mal zeit aber yst. wān die
letst hindt die ersten. vnd d̄ leib köpt dauō

Der ander Teyl

in verderbnuß.

Ein gute lee.

Eisich vnd rohe milch seind nit gesunt
zü eym mal miteinander zü essen / wā d̃ye
natur zü auffeczikeit dauon genaigt wirt

Von dem prot.

Es ist zewissen das rucken prot ee ṽzer
et wirt denn gepeytelt brot. vnd es macht
groß plüt. so macht gepeütlet semlin prot
subtil plüt.

Aber ein gute lee

Es ist zü wissen das müßigen leüten all-
weg subtil speiß bekömenlicher seind denn
die groben. Auicenna spricht / das zestunde
so man geessen hat weintrinken schedlich
sey / wann d̃ wein ist subtil vnd schier ṽze-
ret. vñ dringet durch die speiß in d̃e magē.
vnd faulet dann vnd kstopft / so es vil ge-
schihet so velt der mensch dauon in wasser
sucht od̃ in ander schwär siechtumb.

Wie mā sich nach d̃e essen haltē sol.

Nach d̃e essen sol mā die hend schön ma-
chen. wann mit vnreynen henden die augē
vñ d̃z antlüz anrüren das ist gar vil sched-
lich. Die zān vnd den mund soll man reyn
wāschen vnd nicks vnreynes da zwyschen

Das .xxii. blat

lassen/wann es verderbt die zān. vñ mach
et stinckenden atem.

¶ Von dē tranck. vnd wie es d mēsche
prauchen sol. Zu dem ersten vom wasser
Merck das kaltes wasser vngesund ist.

¶ Auicenna vnd auch Almansor sprechen
das gar vngesund vnd der natur widwer
tig sey vil kaltes wasser nüchter trincken
vnd nach arbeit so man hiczig ist. vñ nach
dem bad vnd nach der vnkeüsch. vnd in d
nacht so man geschlafen hat. So aber na
chgeschriben dingen der durst vast groß
ist/so sol man den mund erfrischen mit kal
tem wasser. Hilffet es nicht das der mensch
so grossen durst leydet das er ye muß trin
cken. So sol er wein mit wasser gemischet
trincken warm. Vnd dann darnach kal
tes wasser.

¶ Ein lere für den durst.

¶ Auicenna spricht/wer grossen durst hat
vnd besorg das im trincken schad der solle
schlafen so vergeet im der durst.

¶ Item aber ein gute ler.

¶ Kalts wasser zestüd tricke nach dē esse.

Der ander Teyl

ist der natur vast wid. vñ erkelt dē magē.
vnd jert die dāung. Der seim aber nit gera-
ten mag das er muß wasser trincken d̄ söl
ein gūte weil nach dem essen beÿten als lā-
ge bis sich die speiß gesezt im magen.

Wie d̄ mensch den wein prauchen söl.

Auicenna spricht vom wei d̄z ein yedlich
er weÿser mensch sich fleissiklich hūten söl.
das er nüchter oð nach grosser arbeit nicht
wein trinck. er söl vor etwas seüchts essen
wann so man wein trinckt nüchter vñ na-
ch arbeÿt das pringet grossen schadē. Auß
dem söl man nemen wer ein plōds vñ krā-
ckes hÿren hat das der lūczel vnd wenige
weins trincken sol. vnd sol in v̄mischt mit
trincken.

So wein v̄boten ist

Almanfor spricht in dem bûch von der ord-
nunge des trinckens/das niemant nach dē
bad oð nach hieziger speiß. oder so man ge-
nüge geessen hat zestund söl wein trinckē
er söl beÿten nach dem bad bis er wol erku-
let. Vnd nach der speiß ein gūte weyl **S**o
lang bis sich die speiß im magen nit gese-
zet hat/als vor gesprochen ist.

Das ·xxiii· blat

Von vnmaßsikeit des weins.

Es spricht auch der selb Almanſor d̄z vil weins nit ſeȳ geſund. das bewärt Auicenna. vnd ſpricht. D̄z vil weins getruncken in etlicher mēſchen magen verwädlet wirt in die roten Colera in etlichen zū eſſich. vñ die ſeind beÿde ſchedlich. Vnd wer des an im empfindt ſpricht Almäſor der ſöl ſich bewegen darzū das er zeſtund wider von im præch. Wār es. aber das er ſich nit præchen möcht / ſo ſol er zeſtund darauf vil wassers trincken. vnd baden vnd ſchlaffen ſo verzet es ſich on ſchaden.

Von ſchaden der trunckenheit.

Auicenna ſpricht. Empſſige trückēheit ſeȳ ein ſchedlich ding. vñ k̄m̄ dē menſchen vil übelſ dauon. Si zerſtört die natur des leichnās vnd verderbt d̄z geāder. alſo das d̄ menſch lam wirt. vnd zitternde gelid gew̄nnt. vñ k̄opt dauō Appoplexia. d̄z iſt d̄ gāhe tod. verlaſt vnd vertāmpft die natürlichen w̄rm. Vñ macht den menſchen d̄ jr pflicht ee d̄ zeit graw alt vnd vngestalt. Darüb̄ h̄t ſich ein yēcklich mēſch daruor

Der ander Teyl

Merck ein gute ler.

Ein gute ler sol man mercken zu allē getrank. als **Auicenna** spricht / das man den schlūd mit sol zu weyt austun man sol klei als faden hinein ziehen als auch geschriben steet. Es ist auch zewissen das alter vierdiger wein d natur der menschen gar gesunt vnd bekūmenlichen ist. vund ein gute edle erzney.

Von dem Most.

Newer wein als most ee das er recht lauter wirt ist vil schedlich vnd krenckt die lebern vnd der mensch wirt dardurch geschicket zu der lebersucht. vnd macht flüssig in dem leib. vnd zerpläet den bauch vnd das gedärm das auch gar schedlich vnd vngesund ist. Darūb sol sich ein recklicher weyser daruor bewaren.

Von der tugent des weins.

Galienus schreibt dz wein so man in maßlich neüst vnd hilf tūt dē leichnam. also thūt er auch vil schadens so man in neüst vnordenlichen.

Von ordenlichem trincken.

Ein maister genant **Jono** spricht. Das

Das xxiiii. blat

wein mässiklichen vnd ordenlichen getrū-
cken benympt dē gemūt alle pitterkeit. vñ
verwandlet es zū süssikeit. Galienus sprī-
chet. das wein mässiklich genossen machet
frölich einen traurigen vñnd vorchtamen
vnd gepürt freuden. Ein maister genant
Ruffus spricht / das der wein mässiklichen
genüczet machet lebentig. vnd erkücket dýe
natürlichen würme in dem menschen. Vñ
verzert dýe speyß. vnd treybet die überflü-
sikeit vnder sich zū dem stulgang. vnd reiní-
get dýe nature vonn allen bösen dúnsten.
vnd vnreynen feüchtigkeyten. Vñnd reý-
niget dýe schwarczē Colera. adelit das plü-
te. vñnd stercket das hýren. Er klāret dýe
augen. vnd meret vnd scherppfet dýe syñe
vñnd vernunfft des menschen. vnd machet
güt schön vñnd lautter farben. Dýe vorge-
schriben krafft vñnd tugend hat der weyn
so man in ordenlich vñnd auch zýmmlích
vñnd nicht zū vil auf ein mal neüßt vñnd
verzereit. So man in aber vnordenlichen
prauchet auch neüßt So tüt er vil schadēs
als vil er nucz tüt od̄ etwo vil mer. Wann

Der ander Teyl

wei ist die höchst vñ edlest erzney so mā in neüßt als man sol nach ordnung vñ mā siklichen wie vor geschriben steet. Es ist auch nützlich zu wissen wellichem alter er zugehört oð mit. als kinden vnd alten leüten

Ein gute ler von wein.

Auerzois der maister spricht das junge kinden wein geben zu trincken schedlichen sei/wann die kind seind hiezig von natur vnd er verderbt die natur d kind/wann d wein ist auch hiezig von natur vnd füllet den kinden ire häupter mit böser hiez vnd gewynnen dauon böse vnd plöde häuptli vnd krank thozat synn vnd böß gesicht Jungen starcken leüten ist gesund wein zu trincken als vil sy mügen/wann sy seind kalt von natur vñnd ist in güt das sy starcken wein trinckē. wann die seind kalt vñ erschöpft. vnd der wein ist warm vñ wermet sy.

Von rotem wein.

Auicenna spricht. alten leüten ist rotter wein gesünder dann weýsser/wann rotter wein pringet in den haren vnd den vstopet der süß weiß wein. Alter verdiger wei

Das xxv. blat

ist gesund. der new wein als moßt den alten leuten vil schad / wann er krenckt in dz haubt. vnd macht sy in dem leib zuflüssig. In einem kalten lād oð zu kalten zeiten ist gesüntlicher vil weins zeteincken dann in eym warmen land oð zu warmen zeitten. wann der wein hycziget vnd ist gesund. wið die kelte des lands oð der zeit.

Wie sich die cōplex üben so d mēsch truncken ist

Sanguineus.

Ein Sanguineus so er truncken wirt so lachet er vnd ist frölich. vnd lauft hin vnd her. vnd erzaiget künlich sitten.

Colericus.

Ein colericus so er trücken ist / so redt er vil. vnd ist wanckelmütes. vnd wirt recht als er töbig sei.

Flegmaticus.

Ein Flegmaticus so er truncken wirt / so ist er schläfferig mit gar schwäre schlaf vnd fürcht sich ser.

Melancolicus.

Ein Melancolicus so er truncken wirt so ist er traurige. Vnnd hebt an sein sünde vnnd vergangen ding zu bewaynen vnd zu beklagen.

Der ander Teyl

**Von der ordnung des schlafs sa-
get dises Capitel.**

Nach dem essen vnd trinckē so
man die ordenlich praucht als
vorgeschribē stet die behalte
bey gesuntheit. Es bedarf auch
d̄ mensch der ru vñ des schlafs
Vnd wie man sich ordenlich darinn halte
sol. vñdestu in disem capitel geschriben.

Von dem nucz des schlafs

Auicenna vnd Almanfor schreiben vns
von dē schlaffen vnd sprechend / das der sch
laff vil nūcz ist vnd vil hilf tūt dē leichnā.
der menschen / so man sein ordenlich geprau
chet. Er benympt d̄ sel jr arbeit. vnd macht
sy subtil vnd klug. vnd scherpst die knüfft
vnd thūt ruen die empfindlichen kraft. ma
chet mild die arbeit des leichnās. Auch ma
chet er gute deüung. vnd macht die natür
lich kraft mächtig. vnd macht den leichnaz
fayßt vnd warm von natur. Auicenna sp
richt. das der schlaf sey vil nūczlichen alten
leüten / wann die alten der natürlichen feü
chtheit wenig haben die pringt wider Vñ

Das xxvi. blat

beheht in jnen der schlaf. Vnd dauon spricht Auerzois. D³ alles würcken d^e nature in dez leichnā ist deūwig vnd feucht machen. vñ das wachen verzert die selben. vnd zeucht die jnnwendigen natürlichen wüme an i die gelid/so behebt sy d^e schlaf jnnwēdig

¶ D³ man nit zū vil schlaffen sol.

¶ Almanfor spricht. Zū vil schlaffen vnd übermaß ist nit gūt. vñnd macht den leichnam trucken vnd mager vnd voller flüße die da heÿssen flegma. vnd erkelt den leichnam. darūb ist zū vil schlaffen nit gūt.

¶ Nit zū vil wachen.

¶ Vil wachē über die maß ist schedlich. es enzündet natürlich würm zeuīl. vñ vderbt die natürlichē feuchte. vñ erstört die gūte gestalt des angesichts des menschen. Vnd machet den leyb zū vil trucken vnd kräck vñnd meret auch dÿe rotten Colera. Vnd das geschihet den magern leüten.

¶ Auicenna vnd Almanfor schreyben von dem schlaff der sol māssigklich nit zeuīl vñ zū rechter zeit geschehen.

¶ Zū wellicher zeit man schlaffen sol.

Der ander Teyl

Almanſor ſpricht das der menſch nit ſchlaſſen ſol nach dem eſſen biß das er empfindet das ſich die ſpeiß auß dem magen hab geſencket vnd biß der mēſch empfindet dß die ſchwāre als er nach dem eſſen ſchwāre vnd trāg wirt ſich gem̃ynndert hab. Vnd darumb iſt nūcz das der menſch der ſchlaffen will ſo er ein weyl ſiczet nach dē eſſen. das er dann ein wenig hin vnd her ſpaciēren gee ee er ſchlaff ſo ſetzt ſich die ſpeiß deſter ee. Maß ſöl des tags nit ſchlaffen.

Auicenna ſpricht/ des tages ſchlaffen ſey ſchedlich/ wann der ſelb ſchlaf machett feüchtin. vnd macht böſe farb. vnd ſchadet dē milcz vnd dē geāder. vnnnd macht auch trāg vnd gar vnluſtig zū eſſen.

Schlaffen nach dem eſſen.

Galienus ſpricht zuſtund ſchlaffen nach dem eſſen betrübt das haubt vnd ſchat im vil ſer. Mag aber der menſch des ſchlaffens nit gerateen ſo ſol er zū dem m̃yñſten cz wüſtund nach dem eſſen beÿtten.

Auff wöllich ſeyten man ſich legē ſöl.

Auicenna ſpricht. das man den ſchlaf ſöl

Das xxvii blat

anheben auf der rechten seÿten darauff soll man ein weil schlaffen. vnd darnach sich d̄ mensch vmbwenden auf die lincken seÿten vnd auch darauff schlaffen.

Auf dem bauch schlaffen wer es t̄n m̄chte w̄r gar gesüntlich / wann von d̄ schlaffen die nat̄rlich w̄rme gesterckt wirt

Dz mā auf d̄ rucken nit schlaffen sol

Auf dem rucken schlaffen ist nit ḡt sonder schedlich. vnd schickt den menschen daz er genaiget vnd empfindlich wirt bößer feüchtikeit oð siechtums. als appoplexia das ist der ḡch tod vnd h̄yrn t̄big. daz d̄ mensch auffert auß dem schlaf. vnd schreyt als ein vnfinziger. Vnd das einen mensche geduncket etwz wöll in ertreckē. vñ mag nit gereden. Vnd daz kömpt alles von d̄z plüt des menschen daz sich samlet vmb daz hercz. vnd möcht ein mensch von stund da von vergeen. Darumb sol sich ein yecklich er mensch daruor h̄ten / wann das ist vrsache das sich maniges mensch gesund schlaffen leget. vnd wirt tod gefunden.

Von dem schlaff.

d iij

Der ander Teyl

Auicenna der groſſ maister gibt ein gemeyne nütze regel von dem schlaf vnd sprichet. So der mensch schlaffen wil so sol er das haubt vnd den hals vnd sunst sich überall gar warm zu decken. Vñ die prust vñ das haubt sollen höher ligen dann die nideren teyl des leibs. vnd das macht gar gute dāung in dem magen.

Von dem schlaffen.

An der sunnē schein schlaffen ist böſ. vñ an dē mōn schein noch vil böser.

Das Capitel sagt nun wie man den leichnā purgiern vñ reinigē sol



Arnor ist geschriben wie sich der mēsch gesuntlich haltē sol mit essen/ trincken vnd schlaffen. darnach ist nützlich zu wissen wie man den leichnam reinigen vnd von den überflüssigkeyten lāren vnd euacuiern sol. Als mit laxatiue dz ist mit austreyben der ertzney/ mit baden/ mit aderlassen/ von dē hernach von yedē besunder geschriben steet. Vnd zum ersten von d ertzney die da heist Laxatiua.

Das xxviii. **blat**

¶ Von dem laxieren.

¶ Die natur des leibs wirt behalten in jre leben des weses bis zu d̄ zeit die niemāt über treten mag. Als wir alle sterben müssen/ so man sich ordenlich helt in den d̄ingen on die d̄ leichnā mit leben mag/ als an essen/ trēcken vñ schlaffen. So nū d̄ mensch ordēlich lebt dēnoch beleibt d̄ natur etwz über das mit v̄zert wirt. vnd d̄z samlot sich von zeýt zu zeiten in dē menschen so d̄z mit austreibē wirt/ kōpt d̄ leichnā daruon in grof̄ siechtumb. Darūb spricht Auicenna. Es sōl ein yēcklich mēsch zu zeitē im jar als im mayē ein laxatiue nemen seiner natur bekūmlich Vnd des zetūn sol er d̄ ärzt rat haben das d̄z laxieren sōl stūlgeng machen vnd harn

¶ Von dem Baden.

¶ Der leichnā des menschen darf auch reinigung von böser feüchtigkeit d̄ye sich samlot zwýschen haut vnd flaisch. Vñnd d̄ye reynigung soll seýn mit baden. Darumbe solt du in d̄isem capitel lernen wie vnd zu wellicher zeit du baden solt. vñnd was du darzu nemen wilt.

Der ander Teyl

Wann man baden soll.

Auicenna spricht. wer gesüntlich baden will der sol nach dē essen zehand nit baden. sund so die speiſſ im magen verzert vñ verdeüet ist/ das ist des morgens nüchter oder zu vesper zeit. D3 bezeuget Auerzois vnd spricht. Wer mit vollem bauch d3 ist zestünd nach dē essen in d3 bad geet dē wer dē die löcher der haut genant porj vstopfft vñ beschlossen/ das die unreinikeit der schwayſe vnd die überflüssikeit nit herauß mag kommen. vnd vō dē vstopffen lauffen die sellbē von eym gelid in das and. vnd pringē dez leichnam grossen schaden. vñ darüb ist vol baden nit gesund. wann baden zehand nach dē vol essen irzt die dāung. vnd zeühett die speiſſ vnuerdeüt in die gelider. vnd d3 pringet mangerley siedhtumb.

Von der zeit des badens.

Rechte zeit des badens ist so die speiſſ in dē magen v3ert vnd vdeüt ist. vnd so das gedärm gereiniget ist/ also das d mēsch ee zu stül sei gangen. Galienus spricht Mā sol so die speiſſ verdeüet ist vñ der bauch zu dē

Das xxix. blat

stul gereyniget ist/so wermet daz bad vnd macht gut dāung vnd krefiget dē magē Ist aber sach das man badet ee die speiß in dē magen verzert wirt vnd ee man zestul gangen ist/so geet der dunst in den bauche durch den ganczen leichnā vnd gelid vnd xfert sy macht das plüt faul vnd d sellbig mist wirt von der hiez des bauchs hert Im leib vnd mag der mensch dann hernach nit wol zestul geen.

Wie mā sich vor dē bad haltē söl

Constantinus spricht ee d3 man zum ba de geet/so söl man sich dauor exercieren vñ üben mit bewegen vnd arbeÿten als mitt hin vnd her geen od sunst wie mā will d3 d leichnā vor aller erkücht vnd erwermet werd/dauon wirt d leichnā geschickt d3 d schwaiß vñ die böß feüchtikeit hngeet vñ die pori werden dauon geöffnet.

Wer gern faÿst wār wēn d badē sol

Cuicenna spricht. wer zu mager ist vnd geren faÿst wā re der soll zu stunden nach dem essen baden so wirt er faist. Er söl sich aber fürsehen das im die schwaißlöcher die

Der ander Teyl

porz zu latein heissend mit verstopffet werden. als vor geschriben vnd vnderschaident lich gehöret ist/ will er sich daruor bewaren so sol er vor ee er in das bad geet met trincken. mag er keinen met gehabt/ so sol er hönig mit wasser temperiern. vnd soll das für den met trincken. Ist ein mensch va yst vnd wolt gern mager sein. der soll nüchter baden. vnd lang in dem bad beleÿben So wirt er mager.

Von dem nüchter baden.

Auicenna spricht. Wer nüchter badē wil vnd besorgt die roten Colera/ als Colerici die hieziger natur seind der sol vor ee d3 er in das bad geet etw3 subtils nyessen als ei hünerpru/ oð ein arbeÿß pru/ oder sunste ein wenige begoffens prot.

Das man nit zu heÿß sol baden

Auch spricht Auicenna/ man sol mässiglichen baden das ist nit zu heiß noch nit ze lang. wann von dem wirt der leychnam zu vil erhitziget. vnd wirt dann gekrenckt

Das man in dem bad nit trinckē sol

Auicenna schreipt auch das man in dem

Das xxx. **blat**

bad nit trincken sol/weder kaltes wasser/
noch keinerley kaltes getrãck /noch nach
dem bad/wann zu der zeit die porj dz seind
die löcher der haut offen seind.vnd die kel-
ten von dem kalten getrãck teylen sich in
das haubt vnd zu dem herczen.vnd in dýe
andern edlen gelider des leichnamis.vnd v-
derbet vnd machet zu nichten jr natürliche
krefft. **W**ie mā sich darnach haltē söl.

Nach dem bad sol man kein hieziige spei-
se nyessen/als pfeffer.knoblache/ oder d ge-
leych/wann dauon gewýnnnet ein mensch
einen siechtumb heist **E**thica zu latein.vñ
ist das abnemen.

Wenn man nach dem baden essen sol.

Auch nach dem bad sol man das essen ei-
güte lange zeýt verziehen bis sich dýe na-
türlich wúrme wyder innwendige in dem
menschen gesamlot dye vonn hýcz wegen
des badens sich außwendige in dem leych-
nam außgeteylet hat. **V**nnnd nach dem ba-
de soll man sich hütten vor grober speýße
als dann ist rintflaisch.schweymisch flaisch.
vnnnd jr geleychen/wann dýe natürliche

Der ander Teyl

würme vnd die dāung etwz von dem bad gekrenckt ist. Vnd darumb soll man nach dem bad subtile vnd geringe speiß nyessen die leichtlich vnd gut zu verdeüen seind.

EDz mā sich nach dē bad söl warm haltē.

Nach dem bad sol man dz haubt vnd dē ganczen leichnam warm halten / wān d̄ye porz noch offen seind. vnd die außwendig kelte geet hineyn in den leichnā durch d̄ye selben löcher. vnd pringet oft grossen schaden. Auch wer das fieber oder dē fröret hat der sol nit baden.

Wie man sich in dem bad mit kalte vnd warmem wasser halten söl.

Auch ist zewissen das man sich in dē bad mit kaltem wasser nit badē söl biß mā gar wol erschwiczet / das ist bis man schier wil außgeen / wenn das kalt wasser da an dem anfang des bades verstopffet denn d̄ye poros dz die überflüssikeit nit mag schwitzen herauß. Darüb so du in dz bad kömest so begeuß dich zestüd mit warmē wasser als warm du es leyden magst. dz öffnet dir die löcher d̄ haubt poros genānt. so du auß dē

Das xxxi blat

bad wilt geen/so geuß dich mit küle wasser das nit zu kalt sey. als ein wenig küle od law. vnd das erfrischet die gelider des leychnams/die von der hiez wegen des bades gekrenckt seind. vnd krefftiget den leichnā vnd treibt die natürliche würm. die von der hiez des badens sich außwendig in den leichnam geteilt haben wiß hñein. vnd da von werden gekrefftiget die jnnwendigen gelider als der magen vnd die andñ. vñnd krefftiget die natur das sy den bösen schwais treybt von dem herczen.

Ein gemeine kurcze ler von badē

Die maister geben ein kurcze ler von de baden vnd sprechen. So du baden wilt so beweg dich vor vñd exercier dich mit spaciern ein gute weil bis das du erwarmest darnach so gee in daz bad. vñd beleib an einer külen stat. vñd erschwicz do. vñd lasse dich reyben vñd darnach gieffen mit eym warmē wasser. darnach sicz an ein wermere stat jm bad. vñd darnach aber wermere/also nach einand je bas bis du gleich wol erschwiczest. vñd darnach wäsch dich mitt

Der ander Teyl

wasser das nit so heiß sey als das erst. Vñ zu dem letsten mit einem kühlen wasser das doch nit zu kalt sey. vnd in dez bad sol mā sein on geschrey. Vnd so du aufgeste So halt dich warm.

Von dem wasser bad.

In wasser baden ist gar gesund zu badē so man sy macht von reynen süßen fließenden wassern. Vnd es sol nit zeuñ heiß sein. Man sol darein sitzen bis über dē nabel. vñ nit bis über die prust/ darüb das dzhercze nit zu onmächtig vnd zu vil krank werd. D3 baden ist vil nucz vnd gesund dē menschen der den stein hat. vnd das grymmen in dem leib vnd sunst zu andern dingen.

Wie man sich nach dē bad halten sol.

So du gebadet hast so lege dich in eyn pedt. vnd laß dir die füß reiben mit salze vnd mit essich/ das macht lustig. vñ zeubet d3 bösen hiez auß dem leichnam. Auch in dez bad soltu dir die füß lassen schaben mit einem messer an der solen.

Von dem schlaff nach dem bad.

Auicenna spricht. Ein weyßer mensch so

Das xxxii blat

er auß dem bad geet der sol mit zestund dar-
nach essen/er sol vor tun ein schlaf.

Wz ordelich badē d natur frucht bring

Almansor vnn d Auicenna sprechend.
Ordenlich baden als hievor geschriben stat
pringet gar vil nucz vnd hilft dem leychnam.
Es machet in feucht. vnd verneut die
löcher der haut. vnd reiniget die natur. vñ
öffnet poros. vnd pringet guten schlaf. vñ
machet subtil. vnd vertreibt weetage vñ
müde. Vnn d schicket den leichnam wol zu
der speiß.

Von dem ungeordneten baden.

So man aber vnordenlich badet/ das ist
zu vil heiß vnd zu lang. vnd mit vollē bau-
che badet/so pringet es die nachgeschriben
schäden. Es verderbt zerstört vñ mynnöt
die kraft der natur. vnd hieziget das hertz
Vnd macht so onmächtig das der mensche
sein selber nicht empfindet. vnd machet vn-
lustig. vnd füllet den leychnamen mit bösen
feuchtigkeyten.

Dyses Capitel das saget
nun vonn dem aderlassen.

Der ander Teyl



Er leichnam des menschen bedarf auch zu d̄ gesuntheit das er gereyniget werd̄ v̄o d̄ überflüssigkeit des bluts/wann so sein zu vil wirt im mensche so wirt es corumpiert. vnd faul dn̄rch etn̄der. vnd verstopffet das geäder. vnd mitt namen geschicht d̄z müßigen leuten oft die vil vnd lusklich mit guter speiß gespeist werden. Vnd so des blutes also zu vil vnd corumpiert vnd faul wirt durcheinander so ist es ein sach grosser siechtumb. Vñ darumb bedarf man wol das man wiß wann vnd wie/ das ist zu wölllicher zeit. in wölllicher maß. vñ zu wellicher adn̄. vnd für w̄z siechtumbs. Vñ war zu ein yecklich mēsch lassen sol. Vnd von allē dē sagt diß capitel nach außweyßung vñ ler d̄ hohen maister in der erzney.

¶ Das man mit zu vil sol lassen.

¶ Almansor spricht. Es sol niemant zu vil lassen/wann des menschen complex wirt böß dauon. D̄z ist daz d̄ mensch d̄ zeūl laßt von einer guten complex in ein bößere ver

Das xxxiii blat

wandelt wirt. Auch wirt der mensch dauo
genaiget zu der wassersucht. vnd verderbt
sein begird zu essen. vnd kömet dauon krä
ckheit des herzens/ des magen. vnd der le
ber. vnd die gelider werden dauon zyttern
Auch kömet dauon Paralisis vnd appo
plexia der gäch tod. vnnnd die natürlichen
krest werden dauon gekrenckt.

Von den stunden des aderlassens.

Auicenna spricht/ das daz aderlassen ha
be zwü zeýt darjnn man lassen sol. Die erst
ist außewölt. Die ander ist bezwungen.

Von der ersten stund.

Die außewölt zeit des adlassens ist an
einem liechten klaren tag zu der terc3 zeýt
so die dāung im mēschen volbracht ist. vñ
d mensch vor den leichnā mit harn vñ stül
wol gereiniget hat. vnd nit ee sol man ad
lassen.

Von d zeit des adlassens.

Es ist auch zewissen das das aderlassen
zwü außewölt zeit hat im iar in dē es dem
leichnam allermaist fügsamklich ist. D3 er
ste ist der lenc3. der hebt sich an an sant Pe
ters tag Kathedra. vnd wert bis an santt

e i

Der ander Teyl

Orbans tag. Die and zeit ist der herbst. vñ hebt sich an an sant Bartolmeus tag. vñd wert bis auf sant Clementen tag.

Ein güte ler.

Etllich lerer sprechen man müg nach essens lassen zu d leber/wid die ist Auicenna der vor in allem mer bewärt ist. vñ spricht. Man soll alle mal nüchter lassen aufgenōmen zu der zeit der grossen noturst/ **A**ls es hernach zehand geschriben steet.

Von der andern stund des lassens.

Die ander stund des aderlassens ist notturftig od bezwungen/daz ist so mā ye lassen muß vñd des mit geratē mag. als ob ei mensch die driesen od pestilencz anstuessend d mag lassen zu aller zeit. bedarf darā nicks scheühen.

So lassen spoten ist

Auch sol niemand zu ad lassen so es gar kalt ist od gar heÿß/wann es wär gar schädlich. Daz aderlassen will ein mittel zeit haben die weder zu kalt noch zu warm ist.

Wer mit lassen sol.

Wer einen bösen magen hat vñ ein kalte leber/dem ist aderlassen nit gesund.

Das xxxiiii blat

Wenn man nit lassen sol.

Auch ist mit fleiß zemercken das zestunden nach grosser arbeit vnd grosser hütze nach vnkeüsch vnd nach dem bad. vnd so der mensch laxus ist gewesen. das ist. so er vil stül gehebt hat mer denn sein tägliche gewonheit ist. vnd so sich d' mensch geprochen hat. vnd nach grossen wachen sol niemant aderlassen/wann es pringt gar tötlichen schaden

In wölllichem alter man lassen sol.

Auch spricht Auicenna/das niemāt lassen sol der vnd. xiiij. jaren ist.

Wenn es gesund sey.

Wer oder welliches d'ye seind d'ye ader lassen sollen. Davon spricht Almāsoz. Die mensche den jr adern vol seind vnd storce vnnnd d'ye menschen d'ye prau vnd rott seind. vnnnd vil flaisch habend. Vnnnd d'ye menschen d'ye vil vnd gewonlich fleisch essend vnd wein trinckend. Vnnnd d'ye menschen d'ye da gewonlichen vyl geschwōre vnd trüsen habend an den bainen oder sunste an dem leyb. Vnd die menschen d'ye daz

e ij

Der ander Teyl

fieber an kömet die mügen lassen wenn sy
wollen. Wer lang krank ist gewesen & sol
nit lassen bis er ganz wiß gesund wirt.

Wenn man aufhören sol.

Auicenna gibt ein ler wenn man aufhö-
ren sol. vnd spricht/ wann du aderlassest so
merck das plüt. Ist es dick vnd schwarzze
so laß es geen bis es sich verwandelt. Ist
es aber weiß far vnd dünn vnd subtil. So
laß nit vil/ wann es wäe ein zaichen dz dir
sein nit not wär. laßt du darüber vil herauf
geen/ es pringet dir schaden.

Wer nit aderlassen sol.

Auch sol niemant zu der aderlassen & vn-
lustig ist zu essen/ die weil er unlustig ist. er
söl es verziehen bis er wider lustig vnd be-
gierig wirt/ denn sol er lassen das bekömpft
im wol.

Ein gute ler von dem lassen.

Auicenna spricht. Dz niemant lassen söll
an dem fieber so in das angeet/ noch an der
stund so in das fieber angeet/ es sei mit kel-
te oder mit hiez. welliches fieber das sey dz
alltäglich oder das andertäglich oder das

Das xxx. blat

drittäglich wider die ler tünd vil mensche
dardurch kumend sy zu grossen schaden

Ein gute ler so du böß geplüt hast

So du böß plüt hast gelassen/ so solltu
darnach als bald nit mer lassen als vil tho
roter leüt thünd. Du solt dich speyßen mitt
subtiler speiß danō sich dz plütt bessert vnd
adelt/als subtil speiß. vnd lautern wein

Dz mā oft adlassen sol vñ wenig.

Es ist pesser oft zu der aderlassen vnd ei
wenig/denn vil zu eym mal.

Ein gute ler.

Kein truncken mensch sol zu aderlassen
bis er nüchter wirt.

Mer ein gute ler.

Auicenna spricht Ein mensch der gesch
lagen od gestossen wirt/od gefallen ist. der
sol zestund aderlassen das dz plüt nit gerat
zu grössermschaden.

Wer lassen sol

Wer vil schwiczet vnd gern schwiczet.
das ist ein zaichen das er des plütes zu vil
hat/der sol aderlassen.

Wie man sich nach der aderläß
sin halte sol das nütz sey.

Der ander Teyl

Es ist zewissen das der mensch als bald nach dem aderlassen nit schlaffen sol. Es sol sich auch niemant darnach als pald zuffülle mit essen vnd trincken. Vnd darumb spricht Auicenna. Der aderläßer sol nit fräßig sein. vnd die speiß sol subtil sein die schi er verdeüt sey vñ güt plüt mach. Nach dem aderlassen sol sich niemant bewegen mit grosser arbeit/ bis er darnach zwē tag oð drey geruwet. Es ist güt das d aderlässer an dem rucken lig vnd ru/ das ist dem plüt bequēlich/ doch sol er an dem rucken nit schlaffen als vor auch von dem schlaf geschriben stat. Es sol auch niemant zestund nach dem lassen baden bis an den vierden tag.

Von dem tag so du lassen wilt

Auicenna spricht. So du lassen wilt. So soltu dir einen klaren tag außerwölen.

Von dem laß eyßen.

Das eyßen damit man dir laßt sol jm winter grösser sein dann jm Summer.

Von dem Lenczen.

In dem Lenczen vnd in dem Summer so soltu lassen von der gerechten seytten an

Das xxxvi. blat

dem leychnam. In dem wintter vnd in dez
herbst von der lincken seitten.

Von den jungen menschen.

**Junge menschen sollen lassen so der mon
new ist. vnd die alten so er alt ist.**

**In wölllichem monat gut lassen sey daz
vndestu geschribē am anfang vō monate.**

Wenn man auff hören soll.

**So der mensch zu der ader laßt vnnnd an
dem antlütz plaich wirt. Vnd im die pulß
krank wirt. so sol er aufhören.**

Was Schadens dauon kömpt

**Almansor spricht. So der mensch dz ad
lassen übergeet zu vil da kömet von trüsen
geschwer vnd platern vnd das fieber. Fre
nesis das ist hyren töbig vnd etwo d gäch
tod vnd aufsetzikeit. vnd ander siechtumb
vil. vnd mert die natur an jungen leütten.
Darüb spricht ein maister. Der jüg mēsche
sol mässig vnd keüsch sein mit essen vñ trē
cken. od sol zu adlassen od helfen od sterben
Nach dē adlassen hüt dich vor allen speysē
die stopffen / als effich piren käß. vñ durre
gesalczen flaisch / wann sy schedlich seind.**

e iij

Der ander Teyl

Zu wellicher ader man lassen sol

Wie man zu einer yecklichen ader an einem yecklichen teyl des leichnams für einen yecklichen siechtumb lassen sol/ das vñdest du hernach geschriben von einer yecklichen ader besunder

Von dē haubt.

Das haubt ist daz würdigest am leichnā Darüb will ich an dem haubt anheben.

Von der adern der süren.



In ader ist vorren an der süre die ist güt zelassen für grossen alten siechtumb oð weetagen des haubt. vñ für frenesim. dz ist hyrentöbig oð vnfinnig. vñ so ein mensch von sein synnen ist kōmē. vñ pringet wýder das corrumpiert verderbet hyren. vñd hilft für auffacz.

Von den adern hinder den oren.

Zwü adern seind. eine hinder dem rechttē or. die ander hinder dem gelincken beyd zu lassen. So man sy laßt das macht güt gedechnuß. das zu latein heist Memoria. vñd reiniget das antlüz ob es mailig oð fleckt ist. vñnd vertreibt die flüß des haubts ge

Das xxxvii. blat

nannt Zeüma vnd vertreibt die flüß der zān vnd des zānfleisch. vnd seind güt zelassen für all weetagen des mundes.

Von den adern an dem schlaff.

Ezwü adern seind an dem schlaf. eine an d rechten seÿten/die ander an d lincken seiten Die seind güt zelassen für weetagen d oze für den fluß vnd grossen weetagen d augē

Von den adern in den augen.

Zzwü adern seind in dē ecken der augen beÿ der nasen. eine an der rechten seÿten. die ander an d lincken. die seind güt zelassen für die tünckel oð vinstere d augen. vnnnd für dÿe mayl d augen. für dē nebel vñ fluß d augē.

Von den adern in den oren

Ezwü adn seind in den oren. eine in d rechten. die ander in dem linckē. die seind güt zelassen für das rîsen vnd zittern des haubtes. vnd für die vnreînikeit des mundes

Von den adern auff d nasen.

Ein ader ist vornen auf dē spicz d nasen. ist güt zelassen so dem menschen das haubt schwār vñ flüssig ist. vñ ist güt für dē fluß d augē.

Von d ad im mund.

Der ander Tepl

Ez wu adern in dez mund seind güt zelaß
sen für die male vñ platern des antlüz vñ
für den weetagen des haubts.

Von der adern an der zungen.

Ez wu adern seind vnder der zungen. So
man sy laßt so seind sy güt für die flüß vñ
für die troppfen. vnd auch für all weetage
der zān vnd des zānfleischs. vñ für die trū
sen vnd geschwōz der kelen vnd des halß.
vnd für den bösen siechtumb Appoplexia.
vnd für die hūsten. vnd für den weetage
des mundes. der backen vnd der kinstöck.

Von der adern vnder dem kyn.

Ein ader ist vnder dem kyn so mā sy la
set so ist es güt für den weetagen der prust
mān vnd frauen. vñ für weetage des hau
btes vnd der prust. vnd für das kreczen in
dem mund. vñ für den stänckenden atem
vnd für die geschwer in der nasen.

Von der ader an dem nack

Ein ader ist hinden an dez nack. So mā
sy laßt so ist sy güt für den weetagen des
haubtes. Vnd ist güt für dñe torhe yt oder
wüten vnd toben die da kōmnet von krā

Das xxxviii. blat

ckheyt des haubts der styren vñ des hÿrn.

Von den adern an dem hals.

Ezwu adern seind am halß. eine vornen/
die ander hinten/so mā sÿ läßt so seind sÿ
güt für die geschwulst des zansfleischs vnd
kÿnpacken. vnd für trüß vnd geschwōz
der kelen. Vnd zu ader sol man lassen mitt
grosser fürsichtigkeyt.

Von der haubt adern.

Die haubtader so mā sÿ läßt so ist sÿ gü
te für all weetagen des haubts vnd flüße
der augen. vñ für den hinfallenden siechtū
be. Man mag die ader lassen an dem arme.
oder an der hend. Man mag auch zu d h au
bteader lassen wenn es not ist. vñ so es güt
ist/doch besunder vor andern zeÿten ist al
ler peßt die haubtad lassen. nonas aprilis
das ist an dez nächsten tag nach Ambrosij
oder zwen oder dreÿ tag daruor.

Von den adern auf den rippen

Ezwu ader auf den rippen der rechten seÿ
ten die seind güt zu lassen für das zittern vñ
das straczen der adern an den armen.

Von der leber adern.

Der ander Teyl

Die leber ader so manß laßt am rechten arm an den henden an den fingern/ so ist dz lassen nützlich an der leber vnd der prust/ auch der lügen. vnd für die überflüssikeit d gal len/ die von d hiez der leber kömet. vnd für der zän weetagen/ des ruckens/ der ripp/ d seÿten vnd aller gelid. vnd für das fließen des plüts an der nasen. vnnnd für das heut kraczen wannß d mensch bedarf. Vñ so nach dē monat vnd den zaichen güt lassen ist. So mag man zu d leber lassen. Aber besunder vor andern zeÿten ist an dem aller pestē zu d leber lassen. Monas May/ dz ist am nächsten tag nach Johānis ante portā latinā. Zu der leber ist allzeit güt lassen für das fie ber/ das ist für den frözer.

Von den adern der Elenpogen

Zwü aderen seind auf den elenpogen an beyden armen. zu dē selben adn lassen ist gūte für den weetagen der prust vnd d lüge. Vnd so man den atem nit leichtlich habē mag. vnd für den schwindel. vnnnd für den kramppff. vnd den fallenden siechtumb.

Von der Median.

Das xxxix. blat

EDie Median ader so man sy laßt das ist
güt wid all gepzächen der denung vñ für
all weetagen d prußt des hertzens/ des ma
gens/ des milcz/ der leber. vnd der seytten/
vnd wider all siechtumb der lungen. vnd
zü allē zeiten in dem jar so güt lassen ist ma
ge man zü d Median lassen. Aber besunder
vor andern zeiten in dē jar ist am aller pestē
lassen zü der median **N**onās septembris. dz
ist am vierdē tag vor vnser frauen tag **N**a
tiuitatis. Don den adn des daumēs.

EZwü adn auf dem daumen an der rechte
hād so mā sy laßt/ das ist güt für weeta gē
des haubts vnd das fieber.

Don dem kleinen vinger.

EZwü adern seind auf dem kleinen finger
an beyden henden/ so man sy laßt dz ist gü
te für die verstopffung der prußt vnd für
vnlust der speiß oß des essens. vnd für die
gülbm oß plaichm d augē vñ des antlüz.

Don dem gemacht.

EEin ader ist oben vornen auf des manns
gemächt/ so mā sy laßt ist güt für die was
sersucht vñ für all siechtüb d gemacht.

Der ander Teyl

Von den adern vnden an dē gemächte

Ein ader ist vnden an des manns gemächte bey dem prepucio/so man sy laßt daz ist gut für den krampf vñ für den siechtumb Colica passio.vnd für die geschwulst des gemächts vnd den harn stein so man nicht haren mag.

Von den adern an den diehen

Zwü adern an den diehen vñd zwü an den schimpainen so man sy laßt ist gut für den siechtumb vnd gepzächen der nyern.ö plasen vnd alles ingewaides.vnd für ein siechtumb heist Artetica.vnd für den siechtumb podogra.vñ für das starren des geaders vnd des ganczen leichnams

Von den adn in der knye kelen.

Zwü ader seind in den knye keln/so mā sy laßt das ist gut für weetagen vñ gepzästen der plasen der lenden des gemächts.vñ für all siechtumb die da heissend Artetica.die machent starcke pain vnd füß.

Von frauen adern an den encklen.

Zwü adern innwendig vnder dem knooren ö encklen an beyden füßen/so man sy

Das xl. blat

laßt das ist güt den frauen nach der gepurt
das reyniget die mütter das sy wolgeschickte
werden zu empfangen. Es ist auch güt
den frauen die ire recht nit haben/dē pringt
es ire recht wider/wann den frauen den ire
recht außbeleyben ee der zeýt den pringett
es grossen schaden.

Von den außern knozren

Ezwu adern seind vnder dē außern knozren
oder enckeln an beyden füßen/so mā sy
laßt das ist güt für den weetagen der plas-
sen/der nit harn mag den hilft es wol.vnd
ist auch güt für den weetage der nyern.vñ
für teüßen geschwer vñnd geschwulst des
gemächtes oder geschzötes.

Von der grossen zehen.

Ezwu ad seind auf d grossen zehen an bei-
den füßen.so man sy laßt dz ist güt für die
platern vnd mayl vnd flecken des antlüz
vnd für die röte in den augen.vnd für den
krebs.vnd für die überbain die an den schi-
painen wachssend. Es ist auch güt so dýe
frauen ire recht zu vil haben.

Von der kleinen zehen.

Der ander Teyl

Füß adern selnd auf der kleinē zehen an beyden füßen/genannt die gichtadn/so mā sy laßt dz ist güt für den siechtüb d mieren/ vnd beschwörung d gelid. vñ das paralis für dz gicht vnd den tropffen.

Wie du das plüt sölt vertreyben.

Hieuo? ist beschribē wie mā adlassen sol vnd von wellichen adn. Nun ist auch nütz gewissen wie man an dē plüt das man hat gelassen krankheit od gesuntheit erkennē soll. Davon söltu wissen/so du gelassen haste/so setz das plüt allweg in ein schatē d es weß kalt noch warm sey bis es erkület vnd gestet/darnach söltu es sehen. Ist das plüt oben weiß gestalt als des meschē speichel/das deüt die hūsten. vñ dz d mēsch an der lungen siech werden will od ist. Ist dz plüt weychselfar/so ist die leber kräck vñ hiez. So es schwympt im wasser so hatt d mensch den stein. Ist dz plüt trucken on feuchtikeit. vnd hat manglelei farb als ei rot gestreift tuch. d mensch ist genaigt zu dem siechtüb Paralis. So das plüt grūnfar ist vnd vil wässerig. d mensch ist krank an dē

Das xli. blat

herzen vnd in der prust. oß er wirt sieche
lebt er nit rats. **H**at das plüt ei liechte dün
ne haut. der selb mensch ist oß will krank
werden zwischen haut vnd flaisch. vñ grü
dig vnd kreczig. So aber kōznlīn schwym
ment im plüt. d selb mensch hat oß will ge
schwer gewynnen. So das plüt schōne ist
nit zū treucken noch zeseücht. vnd d zaichen
nit hat von den vorgeschriben steet. d sellb
mensch ist gesund on zweyßel.

Das Capitel sagt von dem wülē
oß prächē dz oben zūm mūd geschihet.

Nach dē adlassen als vor
geschriben ist so bedarf d leyb
daz er gereiniget sey von über
flüssikeit der natur. die sich in
dē orificio stomachi samlē. dz
ist oben in dem mund des magens. vnd die
euacuacion. das ist die reinigung soll zūm
mund herauß geschehen mit prächē.

Von d gesuntheit des vnwillens.

Auicenna spricht. Ein yecklich mensch d
gesuntheit will pflegen sol sich darzū üben
das er sich in yecklichem monat zwen tag

Der ander Teyl

nach einander präch. vnd vomitum habe.
vnd spricht mit namen zwen tag nachein-
ander / was an dem ersten tag sich mit dem
vomitum. dz ist mit dē prächē sich nit gerei-
niget het das es dann an dē andern tag ge-
schähe. Vnd das gebeüt **Y**pocras vnd sp-
richt / das der vomitus das ist das prächen
den menschen gesund behalt.

Wenn es güt sey.

Almanzor spricht das es gesund sey das
sich der mensch in eym yeklichen monat ei-
mal zum mynnsten prächē oð zwir. Es sol
aber nit nüchter geschehen. So du dich nū
prächen wilt als vor geschribē ist / so soltu
māgerley speiß essen das du gleich vol sey
est vnd vil trinckē. Magstu dich aber nit
prächen on weetagen / so yß dich vol man-
gerley speiß vnd trinck vil darzu. Vnd so
du vō dē tisch greeßt / so trinck ein gütē trinck
warms wassers. vnd beweg dich. vñ lauff
hin vnd her / so prichstu dich on schmerzē
vñ tū das nach dē morgen essen.

Von seiner tugent.

Auicenna vnd **A**lmanzor sprechen dz dz

Das xlii blat

prächen das im der mensch in dem monat
ein mal selber machet / als vorgeschriben ist
pringt dem leichnā vil hilf. Es reiniget den
magen von bösen schedlichen feüchtikeyten
Vnd macht lustige gute dāung. vnd trey-
bet auß flegma vnd Coleram die beide vil
schadens pringent / so sy mit dem vomī-
tu genant das prächen außgetrieben wer-
den. Der vomitus macht dz schwär haubt
leicht oder gering so man tūt als vorgesch-
riben ist. vnd macht die augen klar vñ lau-
ter. vnd ist dem nütz in des magen Colera
abgeet. vnd die speiß vderbt. Vnd ist gut
für die geschwōr die da werdē an dē niern.
vnd an der plasen. Vnd ist gut für die auß-
seczikeit. vnd für böse farb. vnd für dye v-
stopffung des magens. vñ ist auch gar gu-
te für dz zittern vnd für das Paralis.

Wenn das prächen gut sey.

Der vomitus / das ist das prächen oder
vnderen ist allermāist nütz vnd bequēlich
den die Colerici seind von natur vnd ma-
ger. Des vomit. des zu vil ist vñ geschihet
schadt. es macht dē leichnā trüchē vñ dūrz

Der ander Teyl

vnd schadet dem magen/den augen.prust/
leber/lügen.vñ erreycht dz geäd in d prust.

Ein gute ler für das vnde wen.

EWer sich aber zeuñl pricht/der sol gedēck
en das er vast vñ vil schlaf das hilft in.vñ
sol pflaster machen über den magen vñ hñ
czigen dingen.als kümel vnd sein geleych
Hilft daz mit so sol er milch vnd wein war
me durch einander trincken.

Wie man sich damit halten sol

So der mensch will vomieren: dz ist prä
chen/so sol er die augen züheben mit einem
tüch/das richs herauß fließ.vnd sol dē bau
che zü pinden mit eym linden tüch vñ senft
das er nit zü ser gepunden sey.

Wie man sich darnach halten sol.

Nach dē prächen ist güt lang vasten bis
die begir zü essen starck wirt.vnd vast lusti
ge.Nach dē vomitū seind gesund leicht rin
ge speiß/die schier verdeüt seind als kleyn
vogel/oß sunst leicht speiß. So sich d men
sche pricht als geschriben steet.so sol er dar
nach mässiklich vnd küñ baden. Nach dem
prächen sol d mensch ruen vnd on arbeit sei

Das xliii. blat

vnd sol essich vnd wasser durch einand mischen. vnd sol da das antlucz vnd den müd damit wäschen/dz zeühet im die geschwōz vnd bösen dünst auß dē haubt. vnd er sol sich hütten vor trincken.

Auch soltu wissen das die natur des menschen bedarf zu der gesuntheit etwan einer euacuacion vnd reynigung/das ist Cristieren. Vnd von dem spricht Auicenna das es gar ein heylsame ercznei sey. vnd treib all überflüssikeit der öbern vnd edlen gelid an dē leichnaz auß. als des haubts. des herczē. vnd der andern nützlichen vnd gesunde gelider. Darumb sol sich niemant daruor fürchten/wē es ein edle nütze ercznei ist. vñ man mag sy on allen schaden nemen.

Wie man sich Cristiern soll.

Man sol eins treuen arzets rat pflegen Dz cristiern ist gesund den niern der plasen. vnd füt die bösen Colera. vnd ist nützlich allen öbern gelidern an dem leichnam alls vor geschriben steet.

Von dem lufft

Wie der lufft sein sol do du inn wonest

Der ander Teyl

das er dir gesuntheit behalt. D'luft sol mit v
mischet sein mit dünnsten mit rauch mit ne-
bel/ wann der vermischet luft schat dē men-
schen ser/ darüb hüt dich vor bösem luft.

Von bösem luft.

¶ Auicenna spricht. So es lang vnnnd vil
geregnot hat dauon wirt d'luft vmischet.
so söltu denn guten wein mässiglich trinck-
en/ dz temperiert vnd vñert die bösen lüfft.

¶ Wie man sich in bösem luft haltē sol.

¶ Auicenna spricht/ so d'luft vmischet ist so
ist güt das man essich in d' speiß nief. vnd
in die nasen streich. vnd daran riechen soll.
das vñert den bösen luft. Vnd das ist besun-
der güt zu der zeit der pestilencz.

¶ So der luft vergift vermüschet vnd böß
ist/ als so es vil neblet vnd regnet. vnd so
es kalt ist so es warm solt sein. So solt du
einen rauch machen in deinem gemach dar
inn du wonest vnd schlaffest mit wechalt-
ter stauden/ das ist gar nütz für bösen lufft
Auch söltu dich mit fleiß hüten vor gestan-
cke vnd bösem rauch/ wenn er corumpiert
vnd vergifft die ganczen natur.

Das xliiii. blat
Des Capitel vnd der drit
teil diß büchs saget nun von
der Pestilencz.



Als drit teil dyß
büchs sagt von
dem siechtumbe
Epidimia od pe
stilencz/das ist ze
teütsch gesproch
en Der gemeyn
sterb. So die mē
schē gemeinklich
an den trüßen od

platern sterben: vnd ist geteilt in drey teil

¶ Ez erst sagt wie man sich halten sol mit
allen sachen in der zeit des prächens ¶

Das ander sagt von etlichen aderlässen vnd ercz
neyen der man pflegen sol ob man mit got
tes hilff vor dem geprächen sicher sein wil

¶ Das dritteyl saget. Ob einen menschen
d gepräst anstieß wie vñ wo mā do für sol
lassen vnd w3 mā nach dem lassen tün sol

f. iiii

Der Drit Teyl

Von den sachen des siechtumbs nach gemeinen läuffen der natur schreiben die natürlichen maister/ das er gemeinlich kün von der vermischung des lufts mit faulē v̄gisten dūnsten vnd feüchtikeyten. vnd daz geschihet etwo von dem lauf der planeten. etwo von dem in dē die feüchtikeit vergift werden/ da kreüter vnd feüchtikeit von kōmen/ dauon menschen vnd tier die des nießsen v̄gift werden. Vnd auch die bösen dūnste die do geend auß der erden vergiftē vñ vermüschē den luft vō dem fürbaß die mēschen vergift werden. So nun die feüchtigkeit die in der erdē verschlossen seind v̄gift seind/ dauō wirt das wasser das durch die erden fließt vergift/ das vergiftet die leüt vnd tier die das trincken. Vnd also seynd mangerley sach dises siechtumb/ das hie zū lang wär zeschreiben. Darüb laß ich vñ wege. vñ kün zūm ersten teil des tractats Der sagt wie sich die leüt halten sollen in d̄ zeit des prächēs nach außweßung d̄ lerer vnd maister der ertzney.

Zū d̄ zeit so die pestilēcz regniert sol mā

Das vlo. blat

fliehen all feücht trüb nebel vnd schmeckēt
lüft. vnd vor warmē feüchtē luft hüt d̄y ch.
Vnd ob man mag ein stat außer wölen da
frischer truckner luft sej/ vñ die stet da d̄ye
menschen sterben fliehen. vnd das habē die
maister für ein besundere ertzney/ wenn der
siedtumb handig vnd klebig ist. vnd kō-
met einen menschen leichtklich von dē and
en an. Mag mā aber nit fliehen/ so sol mā in
den wohnungen den luft temperiern mit p̄ri-
nenden kolen die nit riechē des aubents vñ
morgens/ darein leg ein wenig wechaltter
stauden oð rosmarin. Vñ die kolen söllent
mit groß hiez geben/ s̄y söllen nū dē luft tē-
periern. Mā macht güt rāch vñ lüst/ so mā
legt lignū Aloes/ oð ambzā/ oð weyrauch
bisem/ storax/ costū/ nāgeln/ mastix/ lada-
nū/ terebintin/ safrā/ cipzesh/ lorper/ thimiā
vñ mirz. dz kennt mā als in d̄ apotek wol
d̄ jecklichs besund oð jr ein teil temperiern
dē luft vnd machen in güt. Die wonunge
da man inn wonet söl man reyn haltē vor
allen bösen vnd übeln rāchen vñ geschma-
cke. vnd s̄y oft besprengen mit essich vñ ro

Der Drit Teyl

sen wasser. vnd so mā des morgens auß dē
hauß will geen/so söl man nit außgen den
die sun sey ein gute weyl aufgangen/wēn
sŷ reiniget den luft.vnd man söl in d hand
etwz wolriechendes tragen.vñ für dē mū-
de vnd die nasen halten. **D**auon vñdest du
hernach geschriben im andn teil von d ertz-
neyen. Vnd man söl sich hüten das mā nit
nahet bej den leüten gee die dē prächē habē

Zu d zeit sol man sich mit essen vnd trin-
cken māßlich halten.vnd die speiß sölentt
subtil vnd deüig sein von natur temperiert
nit zū hiezig noch zū kalt/nit zetruckē no-
ch zū feücht/das mittel vnd den ist daz pest
nach d ordnüg als sich ein mensch von na-
tur selber erkennt. **D**z prot sol man wol
gepachen wolschmeckend essen/es söl eins
od zweyr tag alt sein. **Z**u d zeit d pestülēcz
mag man denn allerley junger vogel essen
aufgenōmen.gāns.āntten vñ and wasser
vōgel die sol man meydē. **F**rische wayche
ayser mag man wol nützen. **J**unges lamp
flaisch kitzlin vnd castreun seind gesund.
Dz and als schweinni fleisch vñ küflaisch.

Das xlvi blat

sol man meyden w3 von jungē wildprät
ist mag man niessen/d3 alt sol man meyde
Gepratē fleisch ist gesünd zu diser zeit den
gesoten. Geschüpt vifch auß frische wasser
mag man essen die seind pesser praten dan
gesoten/die andn sol man meyden.

E Māgolt. spinet mag mā ein wenig niess
sen. arbif. ponen vñ solichs gemüß sol mā
nit vil nützen. öpffel. piren vnd all new frū
chte soltu meyde roch zu essen. Klarē wein
nit zu new noch zu alt/gemüsch mit prun
nē wasser d3 mit zu kalt noch warm ist sol
man māßlich trincken. **H**üt dich vor schlaf
fen bei tag/es hab sichß dann gewent. So
mag er kurcz an einer külen stat schlaffen.
Nach dē abentessen sol mā nit zestūd schlaf
fen geē/bis sich die speiß gesezt im magē.
So mā des morgens auff steet so sol mā
sich üben zu dem stül vnd dem harm. vñ dē
ganczen leichnam überall kraczen vñ reybē
dauon geend d3e bösen dünst auß. Vñnd
söll sich reynigen zu dem mund vñnd zu d
nasen mit außwerffen d3e überflüssigkeit.
Man sol sich hütten vor vnkeüsch zorn vñ

Der Drit Teyl

traurikeyt vnd von grosser arbeit / wann sy den leichnam entzünden vnd schicken zu empfangen den gepzähen vor hiezigen baden vnd vor gemeinen paden sol man sich hüten / wann das ist gar schedlich.

Dyses teyl sagt von der ertzney wider die pestilencz.



Als ander teil disz büchs saget von d ordnüg d ertzney zu behüten vor d siechtüb. Galienus im büch d vndschaid d fieber schreibt. So man den leyb will behüten vor disez siechtüb d pestilencz seind all lerer d ertzney gemeinklich über ei das man den leib wo die pestilencz anhebt zestund mit laxatiue / dz ist mit austreybē der ertzney sol purgiern vnn d reyn halten vor überflüssikeit / nach rat des treuen arzets / wann sy gleichen disen siechtüb eyner vergiffen materi / die zu geleydherweise als das feuer nicht pzyunnet dann do es holcz oder materi vindet oder darzu gehörende. Vnd darumb spricht Galienus. Die leichnā die wol seind zestūd so d lufft vngiffet

Das vloß blat

wirt/ als vor geschriben stet/ so werden sy
vngift. vñ empfangen grossen schade. wellich
leichenā aber lār vñ gereiniget seind die em
pfangen kein schaden/ oð gar kleinen. werde
leicht dauō ledig. Darūb spricht Auicēna
am ersten seins vierdē im capitel von dē sie
chtumb d pestilencz oð des prächens/ daz die
gereinigten leichenā nichts oð wenig dauon
leyden. So nū d leichenā als yecz gesagt ist
purgiert ist/ seind etlich erezney von dē die
maister schreiben die mit ganzzer kraft vñ
gewalt wið die siechtūb seind vnd sy ver
treiben/ die man alltag oð zūm mýnnsten
über den andn tag messen sol. daz seind drei
erley/ als hernach geschriben stet.

Die erst seind pillule gemacht vō mirrē.
saffran vnd aloe. vnd bolo armeno. vñnd
heýssen gemeinklich pillule pestilenciales/
als die appoteker wol machen kündē. vñ
der sol man messen des morgens frū dreü/
vnd darnach ein trunck gemischts weines
tūn. wer aber mit schlinden mag. d zerreib
sy vnd trinck sy mit ein wenig gemischts
weins. **D**ō den spricht Rasis d hofmeister

Der Drit Teyl

das er nye vernūmē hab wer diser erzney pfleg/das der von der pestilencz schade nāz ob es in ankōmet/er wirt leicht ledig. Vñ so man sy hat genossen/so sōl man drey oð vier stund darnach vaster.

Die ander ist triackes der gūt vnd gerecht ist/des sōl man frū nüchter in eym wenig gemüshtes weins als ein kleine haselnuß trincken. vnd darnach fünf stund vaster/oð so man lengest mag. Dario spricht Auicenna/wer dē neüßt als hie geschribē steet/der wirt sicher von der pestilencz.

Die drit ist bolus armenus vnd terra sigillata. Bolū armenū loben die maister rasis vnd Galienus/das er gar nütz sei wer in neüßt als groß als ein haselnuß geschaben in ein wenig essich/gemüscht mit wasser. Auierzois lobt Bolū armenū vnd terzā sigillatā/so manß klein stoßt durchetmand eins als vil als des andin vnd des puluers des morgens nüchter ein kleins löfeln vol trincket in eym wenig gemüshts weins. Vnd spricht Auicenna d3 er bewärt sei daz vil menschen von d pestilencz genesen seye.

Das xlviii blat

Wellich die ertzney als zestund nach geschriben stet niessen / je jr eine eins tages / die and am andn tag. die dziten am dritten tag. **U**nd das sol man tün die weil d sterbē vnd pestilēcz wert. vnd mag manß mit all gehabt: wellichs man dēn gehabt mag. das soll man niessen / wenn sy sunst niemāt schaden vñ seind für die pestilencz über alle ding nütz. Die ertzney seind in den Apotecken wol bekannt.

Dÿse nachgeschribne ertzney seind be wāret so man sy neüßt zwir od dreymalē in d wochen. **U**nd ich hab das selbs versüchett vnd vil menschen damit geholffen. **M**ā sol machen in den appotecken ein puluer von disen nachgeschriben dingen. **A**ÿm bibernellen würczlin / tozmentallē würczli yedes ein vncz. schelf von cytro. ij. quintin terrefigillate. andhalb vncz poliarmoni. ij. vncz mirre electe. aloes jedes. j. vncz. saffran ein quit. masax. iij. quint. süßholz ei. vncz. ein vierdüg zuckers. **A**uß dē allē mach ein puluer. dz mag mā on schadē al wochē niessen. iij. mal je ein löffel vol frū nüchter i wenig

Der Drit Teyl

gemüschts weins. wär aber ein mēsch d̄ye pestilencz angestossen / so sol man im vor zu adlassen / als hernach stet. vnd zestünd nach dē lassen des puluers ei bestrichē löffel vol geben vñ triackers darzu als ei haselnus. vnd d̄z durch einand zeteinckē geben in ei rosenwasser / d̄z hab ich selb vil bewärt vñ hat geholffen. Zu der zeit der pestilencz sol man in d̄ hand tragen ein wolgemachten pysemapffel / gemacht mit ambra citre. al so die appoteker künden machen. Vnd so man auß wil geen sol man oft darā schmecken / d̄z kreftiget das hercz vnd hiren. auch sol mā in der zeit in zweij monaten ein mal lassen od̄ zwir vnd den encklen od̄ knorzē innwendig an den füßen. d̄z ist güt / wer es v̄mag der trag ein karfunckel oder ein rubin an der hand der streibt mit seiner krafte vergift vnd bösen luft.



Das dritteil sagt von dē adlassen für die pestilencz.
Als dritteil dises capitels sagt von dē aderlassen / so dē mensch en die pestilencz ist angestosse

Das xliij blat

Vnd dauon schreiben die maister d'ercznei
als vor geschriben stet. Die pestilencz an dē
mensche ist vergift/kalte/faule feüchtheit
die vndweyl mit dē atem etwo mit d' spei
se kömet in dē menschen vnd kömpt in die
adn die jr haupt haben vnder den üchssen
oben an den bainē bei den gemächten in die
selben adern die ad des hauhts vnd des her
zen fließend. Vñ so die vergift feüchtheit
also im geplüt vnd flaisch verwädlet wirt
als and natürlich feüchtheit so sicht die da
wider vnd will sy austreiben vnd treybt
sy auf vnd nider in die stet da d'ye adern ge
haupt haben vnd die üchssen vnd an d'ye
bain bei den gemächten vnd zerplät vñnd
zerdānet die adern also/das ein trüß oder
peül da wirt. Ist nun sach das die ader do
selbs so weyt wirt das die böß feüchtheit
die die natur dahin treibt gācz darei mag
kömen/so wechßt die trüß vñ schwirt vñ
geet auß so gewirt dē menschen nichts.

So aber die vergift feüchtheit an d' stat
mit mag begriffen werde/so lauft sy durch
die ader auß vnd nid vnd vgift das plüt.

Der Drit Teyl

vnd lauft zu dem ersten in die haubtadern
zu dem hÿren vnd sucht außgeng vnd ver
gift vnd schediget das hirn vnd daz ist die
sach des grossen weetagen des haubtes an
den die dÿe pestilencz haben

En so die natur also streit wiß die gift
vnd will sy austreiben / dauo wirt die böß
materi hiczig vnd vngesund. vñ dauo kö
met dē menschen grosse hicz. so ist die mate
ri von natur kalt vnd keltet das plüt / das
gepürt den dē menschen groß kelte in aller
maß als ob er den rÿtten oß das sieber ha
be. so dise vgifte materi kömpt zum hÿren
so treibt die natur zehilf dem haubt. dauo
die stat da das hirn sein Emicoria hat. das
ist hinder den oren oß an dē hals / vñ do
wirt denn ein trüß oß plater so man dz em
pfindet / so sol man gleich von stunden **E**
xxiiij. stund vergeen zu aderlassen / wā na
ch. **xxiiij.** stündē hilft das lassen mit mer dafür
es ist vil mer schad. Von d haubtad an der
selben seÿten do der schad ist ein gūten teyl
vnd vil sol man lassen / wann **G**alienus sp
richt / das für die pestilencz wenig lassen be.

Das 1. **blat**

weg die materi vnd töt den leychnā. aber vil lassen schöpft sy auß. vnd macht dē leychnā gesund. Mā darf wed alten noch neū en mon scheühen. Man sol auch zestünd lassen/wann die materi ist so böß. ob man der natur mit eylēd vnd zestünd zehilf kōmpt mit dē lassen so nympt d̄ mensch schade da von. So aber die vergift materi in die herczad fleußt zum herczen/vnd die natur des herczen zehilf wider die materi streypt. vnd treibt sy zu den eniunctozien des herczē/dz ist vnder die üchssen. Vnd so man empfindt das do ein apostema od trüßen wirt so sol man zestünd als vor vñ dē haubt od hals geschriben steet lassen an der selben seytten. da es an ist zu d̄ Media. dz ist die herczader. So aber die materi in die adn fleußt zu der leber/so wirt ein apostem oder ein trüß an den bainen bei den gemächten da der leber Enictorium ist/so sol man als bald on alles verziehen an dem selben fuß vnd dem enckel lassen/oder man sol lassen d̄ye adern auff der grossen zehen als dann vor geschriben steet.

Der Drit Teyl

Es ist auch zu wissen ob ein apostem/dz ist ein trüß od plater wirt an dē haubt od an der prust vnderwendig des halß vñ obwendig des nabels od vnderwendige des nabels wellicher seÿtten es dann näher ist von der sol man lassen als vor geschriben ist **I**st es an dem haubt/so soll man lassen von der haubtad od an der pruste od vnder den üchssen von der Median an den painen vñ vndwendig am nabel von d ader vnd den encklen. **I**tem so man als vorgeschriben steet gelassen hat/so sol mā zestund ei quī tin schwär od ei klei löffel vol des puluers dz in dē andn teil vonn d ertznej geschriben steet zetrincken geben in eÿm rosenwasser? das verzert vñ vertreibt das überig vñ gift das mit dē aderlassen nit mocht hñngeē. od man sol nemen tormentillen bibenel der am wurczel einer als schwär als der andn vñ sol puluer darauß machen vnd des ei quit od ein löffel vol so mā gelassen hat sol mā in rosenwasser trincken/da mag man eÿn wenig triackers zu tñn. **D**ie wurczen habē die kraft das sy alle vergift verzern. Vnd

Das li. blat

mag mā sy alle dreü nit haben / so mag mā
je eyne allein od zwü niessen. das habe ich
selb v̄sucht vnd be wärt / das es nit hat ge-
fält es hab geholffen. Wer es wage tōst
den ein trüß od pestilencz anstieß / das er sy
mit einer flieden od heÿssen eÿßen ließ hauē
vnd pund dan̄ darauf geschnitten rätliche
wurcz / die zugen die bösen materi sitlichen
herauf / das man sähe. das die weissen wur-
czen schwarz wāren worde / dauon seid vil
menschen genesen. ¶ Wen die pestilencz an-
stoßt d̄ sol sich ordenlich halten. vnd ringe-
leichte speiß niessen / als v̄lorne aÿer auß es
sich vnd agrest. jung gesoten hennen da es
sich beÿ sei. vnd lauter wein trincken nit zu
starck gemüschet sol er māßlich trincken

¶ Wer diser vorgeschribner ler von d̄ pesti-
lencz mit fleiß volget vnd merckt. vñ sich
darnach regiert dem schadet sy nit.

Wer die haut des haubtes
wöl gesund behalten.

¶ Der fleiß sich ee er in das bad gee das er
sein haubt salb mit hōnig / wann daz reini-
get die haut vnd behüt sy vor rauden vnd

Der Drit Teyl

geschwer. Darnach geuß bescheidenlichen wasser auf dich / auf das haubt etwo dyck ee das dir die hiez des bades in das haubt schlag. Wer sich also etwē dick mit warmē wasser begehrt so er eingeet. daz ist dē haubte gesund. Hönig hat von natur wärme vnd feüchtikeyt / als sanguineus.

Es ist ze wissen das die graunge kōmet an dem menschen von kalter natur / als die flegmatici / die werden bald greiß. Aber kelte kōmet von hiez / als die Colerici werden bald kal. Du sōlt dir des morgens nüchter stralen / wann das zeühet die bösen feüchtikeyt auß dem haupt durch das hare oder schwayßlöcher.

Wie man das hÿren auffenthalt

Wiltu das hirn aufenthalten so schmeck edel wolgeschmack wurtzen oder kreüter als Basilicum / lilien / rosen / vnd desgeleychen. Aristotiles spricht daz die speiß jünger hōner meret das hÿren. vnd scherpfset es auch / besunder so man neüßt das hirn alter hūner. Auch übel dāen pringet dem hÿren grossen schaden / darumb sōl man sich dar-

Das lii blat

uoz hütten.

Von dem spätten nachtmal.

Die spätten nachtmal bei der nacht schaden den augē. Vnd so man sich bald schlaffen legt nach dem essen mit vollem bauche / Fenchel wasser oder saumen ist gesund dē augen zen yessen ee das man will schlaffen gēen.

Von den augen.

Item die augen lassen erwarmē ob warmem wasser / das reiniget vnd leütet d yē augen. Item sehen grüne dīng stercket das gesicht. vnd auch subtil speiſ. als junge hūner. rephūner. vogel. Item wer fenchel yſt roch vnd gesoten daz zīmnet dem gesicht. Item man sol sich auch fleissigklichen hūte das ein mensch nicht vnkeuſch sey auff vollem bauch. wān es pringet gar grossen schaden.

Wie endet sich daz büchlin genannt Regimen sanitatis vnd der drit teil.

Der Vierd Tepl

Wie lebt sich an dz vierd teil.
darinn man vündet wie man ein gesunden
menschen erkennen sol. Vnd ob er von übe-
rigem plüt siech sey. vnd wân ein mensche
ein grosse sucht bestan will. Auch so er den
frözer in einer sucht hat. vnd von dem ma-
gen/wie sich speiß vnd tranck darinn ver-
wandlet. Auch vündet man darbey/wie ai-
ner den haren vaken sol. vnnnd zü wellicher
zeit. Vnd was ein yecklicher haren bedeü-
tet. Desgeleychen der pulß. vnd das gelaß-
sen plüt.



Et hatt geschaf-
fen vier Element
Feüer. Wasser.
Luft. vnd Erdt
reich. Daraus al-
le menschen wer-
de getemperiert/
zusamengefügt.
vnd gemacht.
vnd auch all frü-
chte/dann söltnun ein element sein als daz
feüer. so möcht vor hiez nichts gewachssen.

Das liii. blat

wär dann ein luft od wasser/so müßte alle
frucht von überiger feuchtikeit verderben?
wär dann allein das ertrich/so möcht aber
von dürz vñ keltin nicht wachssen/ als mā
dann im wintter wol sieht so es zekalt od
im summer zeheiß ist. Vnd darüb hat gott
vier element gemacht/daz sich die hiez des
feüers/der kelte des wassers.vnd die truck-
ne vnd dürze des ertrichs mit der feuchtin
des lufts gleiche temperiern vnd mengē:
also das durch die temperierung all frucht
geporn vnd wachssen werde. Nympt aber
ein element überhand als das feür/so ver-
pönnē die frucht/als etwo im summer ge-
siehet so es zeheiß vnd zu dürz ist. Des ge-
leichen im wintter so die feuchte d Element
nympt überhand/so erfört es die fruchte.
wēn aber die element gleich seind.als kal-
te.trucken.feucht.vnd warm.vnd einer je-
dlichen natur temperiert/so wachssent vñ
nemen zu alle dīng.als mā im mayen siehet.
so es wed zekalt.truckē.feucht.noch war-
me ist. Also ist auch dē mensche wēn d wed
zekalt.trucken.feucht.noch zehaß ist. So

Der Vierd Teyl

ist er gesund vnd wolgefärb. Hatt er aber des einen ein wenig mer denn des andern / dz schadet mit vast / wān so erschon ein wenig gekalt ist so mag man im mit etwaz warmem wol helfen. Desgeleich so er zehe yße trucken oß feucht ist. Nympt aber die kelt die hiez die dürre oß die feuchte so ser über hand / das d̄ eins vertreiben wirt. so muß d̄ mensch sterben. vnd ist im nymer zehelffen. Darüb hat got ertzney beschaffen. ob d̄ mē sche zeheiß sey / dz mā im mit kalte helf. vnd desgeleichen von den andern elementen.

Wie man den menschen so er von überigem plüt krank ist erkennen sol

So d̄ mensch von überigē plüt vnd feütin siech ist / das erkenn also. Sein harm sol sein rot dunckel dick vnd trüb. Sein pulß ist groß vnd schlecht getrat an der starn im haubt ist im wee. Die spaichel ist im waich vnd süß. an dē morgen ist im würser dann zu andern zeiten. vnd das antlüz ist im rot

Ist aber d̄ mensch siech vō hiez oß dürre so ist im d̄ harn rot vnd dünn / der pulß ist im klein. vnd schlecht vast schnäll vnd ge

Das lüff- blat

trat. zu mittem morgen ist im wüerfer dann
zu mittētag oð ander zeit. Die zunge ist im
dürz vnd treift im die spaihel. In dürstet
vaht. vñ w3 er trickt ist im pitter. im trau-
met von roten dīngen. Ist aber d mēsch sie-
che von kelte/so ist d harn weiß. dick. Der
puls trāg vñ groß. Im ist zu mitternacht
würfer dēn zu andēn zeýtē. Er ist plaich an
dē antlūcz. geet im schlaf mit wasser vmb/
mag wol schlaffen. in dürst wenig. hat vñl
spaihel im mund. Ist aber d mensch vñ üb-
eriger kelt dürz siech/so ist sein harn weiß
dünn. der puls trāg vñ klein. daz antlūcze
schwarz. Im ist zu mittag würfer dan zu
ander zeit. vnd wert bis nacht. vñnd geet
mit āngstlichen trämen vmb.

Wie mā ein gesunde kennē sol vñ natur

Ein gesunde menschen erkenn also. Hat
er des plüts mer d3 ist d wüirme vñ feuchtī-
keit/so ist er frōlich. singt gern. ist milt. sein
harn ist goldfar/zemal dick. sein antlūcz ist
wolgefär/wolgestalt. hat güt sitten. Hatt
er hiez vñ dürre mer/so ist er zornig vñ ist
im der zorn schier hīn. er ist vnstät. mager

Der Nierd Tepl

vnd klein an dem leib. sein harm ist rot vñ
gar dünn. sein puls ist klein vñnd schlecht
trat. er ist seins gütz als vil milt daz er shi
gibet das in hernach gereüet. **H**at er aber d
feücht mer dann der hiez vnd durre. so ist
sein harm zemass weiß vñ dick ist auch am
ätlücz weiß vñ saist sei harn ist mit krauß
sunder salb. sein pulß ist groß vnd träge.
Er ist allweg wol beÿ leib. vnd schlaft ge
ren. er hat auch vil spachel im müd. an sey
uen seÿten ist er mit gäch. vnd ist mit küne.
Hat er aber der kelte vnd der durre mer
dann der hiez vñ feüchte. so ist er gern trau
rige. vnd fürcht im ser. w3 er böß tüt daz be
schibet heÿmlich. sein antlucz ist im schwar
tze. Böser ding lacht er gern. sei har ist im
weiß vnd dünn. vñ hat vil böser gedēcken

Wie man ein gesunden erkenn.

Du hab ich gesagt vñ des mē
schen natur gesund vnd siech
Nū volgt wie mā ein gesunde
erkennē sol. Ein gesund an dē
ist die farb weiß. d3 ätlucz ge
mischt mit rot. mit zefayst vnder den augē

Das lv blat

Er ist auch nit zu mager. vnnnd ist vmb den müd nit zu plaich. Der pulß schlecht im weder zu träg noch zelang. d harn ist wed zu weiß noch zu rot noch zedick noch dünne. dasselb bedeut ein gesunden menschen. Ist aber der mensch zemager / daz kompt vonn grosser hiez vnd überiger dürre / darüb ist des menschen zefürchten vor d dürre. Ist d mensch zefaiszt das köpt von überiger kelt vnd feücht. vnd sein ist zefürchten vor dez gähen tod. Ist aber der mensch am leib schwär / dz er die augen vor schlauff kaum auf tüt / das bedeut ein z ünkünftig vallēds wee. Merck auch ob im die augen zu tief im haupt steen / so ist im dann die feüchtikeit vnd das plüt vschwunden. Seind im aber d ye augen zu groß in dē haupt vnd fließen ser. das bedeut überige feüchtikeit. Stünckt ey nem menschen der atem das nit von den zänen kömet / das bedeut faulüg im mensche.

Wie man ein gesunden bey ge
suntheit behalten sol.

Wer sein gesuntheit behalten wöll d sol
allzeit wonen da frischer vnd gesund lufft

Der Vierz Tepl

sey vnd sol sich hüten vor gestand vñ bösem geschmack / dann wer dauo siech wirt dē mag man hart helffen / wann d gestäck geet mit dem atem in alle gelider vnd allermaist zum hirn vnd zu der prust.

Wie man sich nach yed zeit richtē sol.

Es ist nütz sich nach einer yeden zeit czu halten namllich im summer sol man mit nāmen heÿß speiß noch trāck / besund die leute die von natur heiß seind / die sollen heÿß speiß fliehen. Im herbst mag man wol essen heÿß speiß / des gleichen im wintter von der kelt wegen. vnd sol oft baden. vñ sich allweg hüten vor kelte nach dē bad. vñ sol auch darauf nit trincken noch essen bis mā wol gerafft hat. Im mayen mag mā wol essen speiß die wed zu kalt noch warm ist.

Was gesuntheit an gewonheit ligt

Du solt wissen daz grosse gesuntheÿt ist gelegen an den dingen die man gewonett hat / wann hat ein man übel geessen vñ getruncken vnd vil gearbeit. vnd wirt darnach müßig geen. vñ wol essen. vñ trinckē er wirt siech. wann er hat es mit gewonet.

Das lvi blat

Also spricht auch Auicenna. Hat ein mensche mit gestäck oß bösez geschmack vmbgangen. vnd böses lusts gewonet/kömpt er dann zu gütem geschmack vnd lust so wirt er krank.

Was speiß

man zu dem ersten essen sol.

Man sol die linden deüigen speiß vñ koste des ersten niessen. vñ die hörten darnach darumb dz die hört speiß die waichen mit hind ob sy die natur zu stül treyben wolt. Auch sol man sich hüten das man on luste mit vil eß noch trinck/bis sich die erst koste verdeüt hat. vnd sol nach dē essen mit vyl geen/das die kost auß dē magen mit vnge deüet außgee. Auch sol man sich nach dē essen mit schlaffen legen/legstu dich aber so lege dich auf die rechten seÿten/darüb das dz hercz in d̄ gelincken seÿte vō überflüssikeit der speiß vnd des trancks mit sterb.

Wz gesuntheit an d̄ adlâß gelegē ist.

Vil gesuntheit ligt an aderlassen ob mā ir bedarf vnd zu rechter zeit thüt. Bedarff man lassen das sol man also erkennen. dem mensche seind die gelid schwär. vñ hat vil

Der Vierz Teyl

hiez überal an dē leib. der harm ist rot vnd dick/ d pulß ist schnäll vnd groß. vñ ist im vornen in d stüren wee. Bedarf mā aber des lassens nit. vnd das d mensch mager ist/ so ist dann lassen schad. Er wirt dauō kränck. er vnd velt dauon in groß siechta gē. Mercke in allen dingen wirt d mensch stercker von lassen/ so sol er dick lassen/ das bedeüt das er zu vil plüts hat/ wirt er krencker dauon/ so sol er nit lassen/ wēn er hat des plütes zu wenig. vnd wirt plöder dauon.

Auch sol man einēz kind vnder zehen jaren nit lassen. vnd eym alten man der von natur kalt sey vnd wenig plüts hat. Hat er aber lassens gewonet vnd ist wol bej leibe/ so mag man im lassen ob erß bedarf mā sol auch nit lassen ob es zehaisß ist/ dann so schwiczt d mensch vil. vnd mynnöt sich dz plüt in adern. vñ d mēsch wirt gern kräck.

So einer von böser kost siech wirt.

Wirt ein mensch von böser kost siech der jr zu vil geessen hat/ oß zeuיל schleymēß im magen hat/ das mag man also erkennen/ Den menschen lust nit zu essen vñ vnwille.

Das lvi. blat

geren. er verleürt die kost so er yßt. vñ ist
im im magē wee/ dē sol mā dēn helfen mit
tranck das er wider essend werde. vnd der
schleym vñ im kūm/ so wirt er dēn gesunt.

Wie man für einen yecklichen siech
tagen erzney geben sol.



He will ich lern erzney geben
für ein yecklichen siech tūb vñ
zu wellicher zeit. Zum ersten/
Gesund leüt sollen mit tranck
nemē noch lassen/ sy empfinde
dann etwz krankheit an in/ wān d̄ gesund
mensch ist von vier elementen gleich tem-
periert. Vnd darūb gābestu im hiezig d̄ig/
so wūrd im zeheiß. gābestu im kalt d̄ing so
wūrd er zekalt. lieffest im so wurd des plū-
tes zu wenig daran d̄z leben ligt vñ wurd
also allweg siech. Doch will d̄ gesund men-
sche tranck nemen das sol er am herbst od̄
gelentz tūn/ dan so ist die zeit wed̄ zu heiß
noch zekalt. Ist aber d̄ mensch siech vñ ist
im wintter. so sol mau im zu morgens frū
tranck geben/ dann so mag er sich bas hū-
ten den tag dann die nacht. Ist es aber Im

h. j.

Der Vierd Teyl

Summer sol man im zu abent tranck geben das im die hiez des tages nit schad. wennß der mensch genömen hat so sol er wed esse noch trincken bis dz die rür gelig/also daz er nit mer zu stül gee. Geet er aber von d er czney zestül/so sol man im deß mer geben? Oß gib im ein starckē tranck heiß wassers. daz waicht im den magen vnd das geäder. Darnach hüt er sich vor vil trincken vñ essen/zwen Oß drej tag/als hab er zu ad gelassen. Ist es im summer so hütt er sich vor hiez. vñ beleib in seym gemach. vñ strã daz mit laub Oß rosen. Auch mit kaltē wasser ei wenig begiessen. Ist es im wintter /so hütt er sich vor kelt. vnd mag darnach am andē Oß. iij. tag wol badē/Oß lassen hat er kraft

Von scheühung der ertzney.

Es seind auch etlich leüt die ertzney vast scheühen vnd nit nemen tüzren ob sy d no turftig wären/den sol man sy heymlich geben in kãß prũ oder müß oder warjnnē es sey. Auch etlich verlieren die ertzney zelhād Den sol man einschneiden pröts pāen vnd salzen. Vnd sol sy im für den mund beben.

Das lviii. blat

Man sol auch schimpflich vor jm sein mit
mangerley red / darmit die erzney desto
mer vergessen werd.

So mā gern zu stul giēg vñ mit mag.
Etwen bedanckett einen menschen nach
trank so er genōmen hat wie er gern gien
ge zestul. vnd geympt in ser in dem leybe.
vnd mag doch nit / den sol man in ein bade
setzen darinn papeln gesoten seind auf die
papeln. Oder nym papeln vñd weysen
klee. vnd seud die miteinander. vnd laß in
dann warm darauff sitzen. dz hilft gar wol
nach de trank od nach der erzney vnd dar
nach so wirt in dann ser dursten / de gib den
margrāpffel zenieffen / od dz kraut lattich
mit essich wann das kület ser. vnd wert de
durst. Es köpt auch etwo das den mensch
en nit lust zu essen. oder etwen beleibt die er
zney bey de menschen hat er den die kraft
so gib jm das er mer zu stul gee. Etwen ist
d mensch zu vil zestul gangen. vñ mag nit
essen vor krankheit / de gib latwerig dz in
sterck / als zuckerrosat od diarrodū od dia
margrate. es wirt oft d mensch vñd uē nach

Der Nierd Tepl

der ertzney dē gib gesotten wasser da gūmi arabicum oð ein wenig mastix inn gesotē sey. vnd gib jm zucker rosat. oð rosatē nouellen. darnach mach jm ein pflaster von rosen tēperiert mit essich gesotē. leg jmß auff den leib.

¶ So ein mensch ein grosse sucht bestet. vnd vast krank wirt.

¶ So soltu mercken ob sollich krankhe yt vnd sucht von überigē plüt oð von andern gesücht sey. Ist es von plüt/so ist d harem rot. vñ die adern am haubt schlaffen jm ser dē sol man bald zu adlassen ee jm die kraft engee. Ist d mēsch ser krank so in die suchte ankōmpt. vñ seind jm die adn klein. vñ die gelid schwär/so gib jm bald das er die rür gewynn. ob erß andst erleiden mag. ist es andst von überigē essen vnd trinckē. Ist er aber zwen oð drej tag gelegen. vñnd jm die kraft entgangen. so tū jm kein ertzney. Als **Ypocras** spricht/wenn die natur vnd krest seind dann zekräck. Ist dēn d siechtüb an hiez groß das den siechen dürst/so spricht **Galienus**/das auf dē ertrich so güt zu trinckē nie ward als gerstē wasser. wēn

Das lix. blat

es kület vnd sterckt die feüchtheit d natur
mā mag im auch geben margerā öpffel vn
wenig essen geben / wann sein natur mage
mit deüen. Vnd besund so d siechtüb kurtze
ist / das erkenn also. so ist die hiez groß. Vñ
dz trüb im harn senckt sich an dē bodē. will
er aber lang wern / so ist die hiez klein / waz
denn den siechen gelust dauō en stercket au
ch kreftiger wirt / des gib im zeniessen.

Von dem frözer in einer suchte.

E Hat ein mēsch den kalten siechtumb oð
ein suchte so in der rýtt ankōmet / so gib im
weder zu essen noch zetrincken bis in die hi
eze ein wenig verlaßt. Ist er aber so kräck
oð daz d siechtüb so lang wert dz sein zefür
chten sei / so gib im ein wenig wz in gelust.

Von dem magen wie der deüet.

E Daz man yßt vnd trinckt daz geet als in
den magen. vnd deüet sich darinn / als das
essen seüdet so man es kocht in eym hafen.
Darnach nympt der magen die speiß vnd
das getreanck so vil im süget. vnd nert sich
dauon / souil sein zimliche maß ist. darnach
truckt er daz überig in einen darm der in dē

h iij

Der Nierd Teyl

magen geet / der selb darm nympt auch sei-
narung dauon. vnd truckt daz überig in ei-
nen andn darm / dan on es den zestul komet
so zeucht den die leber dz träck ansich recht
als d' stein **M**agnes daz eysen. **V**n so dz trä-
cke an d' ye leber köpt / so v'wandlet es sich
zü plüt / so zeucht sy den dz edlest plüt an-
si ch / dauo sy wirt gemert. Es geet auch auß
d' leber ein grosse ader / wē die ein wenige
von d' leber köpt / so teylt sy sich. vnd geet
dz ein teil in vil adn zū allen gelidn / dauo
sich die selben adn nerend / darā dz lebē des
plüts stree. **A**lso tūt auch die ader so sy vn-
dersich geet / die dē herczen das plüt sendet.
Die lung zeühet den schaum des plütes an-
sich. die gall zeühet ansich die hiez. dz milcz
dz böß plüt. **D**arnach so seühet es mit kley-
nen aderlin als ei schwaib in die plasen die
hat den zwey ding die sich zesamen truckēt
wann sy den vol werde / so geend sy von ei-
ander von d' schwäre des harns / also geet
den d' harn von dē menschen. **D**arnach tru-
ckent sich die selbē zwey ding aber zesamē
daz d' harn so er sich samlot mit von dē men

Das ix blat

sehen fließ. Item die überig geet von einem
darm in den andn bis sy die natut vom mē
schen pringet.

¶ Von dē harn wie
vnd zu wellicher zeit man dē varen soll

¶ Man sol den haren in zwey glaz varen/
ein zu mitnacht/den andn gegen dē tag. dz
d arczt sehen mūg die gestalt des harns so
er köpt vom menschen. wann er geet etwa
lauter. vnd wirt darnach trüb. et wo dünn
vñ wirt darnach dick. Am morgē sol mā
den harn besehen. so kennt mā des mensche
natur destbas. wēn die natur wirt stercker
im schlaf so d mensch gewacht hat/dēn die
natur wirt krank von gedencken. Mā sol
das harn glaz vor sauber wāschē vñ setzē
an ei stat die wed zeheiß noch zekalt sey dz
es vō hiez oð vō kelte die gestalt mit vzer.

¶ Man sol den harn mit vil vmbtragen.

¶ Man sol den harn mit vast vmbtragen/
vñ mit in vil geschirz giessen/ das er mit trüb
be werd vnd sich verwandel sunder schön
behalten/damit der arczt nit betrogē wer
de/wirt es aber not/so mag mā in wermē
oð in warmem wasser widerpringen.

h iij

Der Vierd Teyl

Wie oft man den harn varen sol.

Man sol den harn mit mer dann eins ma-
les varen in ein glas/ das man müg sehen
ob des vyl oß wenig vom menschen gee/
wān ist sein zeuil das geschihet etwo in ei-
nem weetagen oß in einer sucht dz die na-
tur die überflüssikeit von jr treibt. oder es
geschihet etwo in eym menschen d vil yßt
vnd trinckt vnd wenig arbeit/ dauon sich
die feüchtikeit vsamnot. Darüb hand d ye
kind vil harns. Oß es kömpt etwo wō krā-
ckheit der plater vnd d lend/ die den haren
mit mügē enthalten. ist aber des harns we-
nig/ das kömet von lüczel essen vñ trinckē
vnd wenig arbeÿten. Kömet auch etwen
von vil schwiczē oß überigē stülgang. den
wer vil zu stül gzet d hat lüczel harns. So
ein mensch siech ist. vnd vil trinckt. vñ ge-
et nit zestül. vñ schwiczt auch nit darnach.
das ist ein böß zaichen/ wenn es bedeüt krā-
ckheit des menschen vnd der natur/ darüb
d harn noch d schwaif mit vom mensche kö-
men mag. Oder bedeüt aber so grosse hÿcz
die dz plüt vñ die feüchtikeit verzerent vñ

Das ixi blat

verprennent. Itez wān aber des harns nit
zü vil noch zü wenig ist / das ist güt. vnd be
deüt ein wol temperierte natur.

¶ Von d̄ farb des harns vñ ob er stickt.

¶ Auch ist zü mercken ob d̄ harn weýß od̄
rot sey. vnd ob er stinck. Ist er rot dick od̄
trüb / das bedeüt krankheit des menschen.
von feüchter vñ heýßer natur als w̄ plüt
wenn die hiez macht den harn rot. vnd die
feüchtikeit dick. Ist es aber weiß vñ dünn
das bedeüt krankheit des mensche w̄ kal
ter vnd dürrer natur / wann die kelte ma
chet in weiß / als im wintter so das wasser
zü eýß gefreürt. Ist er aber rot vnd dünn /
das komet von hieziger vnd dürrer natur
Ist er aber weiß vnd dick das komet von
feüchtikeit vñ kelte. Ist er aber ze dick düñ
rot noch zü weiß / das bedeüt gesuntheit

¶ Du solt auch wissen daz d̄ harn etwo ro
te wirt von grossez gr̄ymmen d̄ permüter.
vnd hat doch nit grosse hiez als dann So
schlecht der puls langsam. vnd hat der mē
sche nit durst.

¶ W̄ stinckende harn

¶ Merck auch wenn d̄ harn stinckt vñ übel

Der Vierz Teyl

schmeckt/das kömet etwo von stinckend kost die man yßt od praucht.stincket aber der harn allweg/das bedeüt das die feüch- tikeit vnd das plüt im menschen allwegen faulet/dauon dan zeletst grosse sucht köpt.

Von der jungen kind haren.

Wann aber die jungen kind von nature feücht seind.vnd vil essend vnd trinckend. darumb sol jr harn vil sein vnd lauter. So sy aber zu xv.jar kömē so seind sy w heis- ser natur/so sölt jr harn goldfar sein vnd schön. Aber d alte leüt harn sol weÿß vnd dünn sei/wān sy seind kalt w natur.auch durch verwandlung essens vnd trinckens so wirt verwandlot d harn im mēschē/als so ein mensch heisse speiß yßt/od rotes trā- tke trinckt/so wirt der harn auch deſter rō- ter. **D**eßgeleich so er yßt kalte speiß vñ trī- cket wasser/so wirt der harn deſter weÿß- ſer. **I**tem von überigem baden arbeÿt vnd zoren.auch von außwendiger hiez wirt der harn auch deſter rōter. **A**uch von überigem trincken wirt der harn rot vnd vngestalt. dz denn die ärzet wānen es sei von kräck

Das lxii. blat

heißt wegen vnd kan den siechtumb nit erkennen wol daruor.

Von saystem nebligem harn.

Est der harn oben weiß vnd schwebt ein nebel als ein spynnenwepp darauf sei/daz geschihet etwen das dz sayst vmb die nyeren schmilczet das die dorrent/so hat d' mensche nit die rechten hiez. **E**two köpt es von der schwindung vnd abnemen od' krankheit des menschen/als dann hat er am leib grosse vnreine hiez vnd wann d' harn ein weyl stiet so köpt erst die sayste vnd d' nebel darauf. **K**öpt es aber von d' lende/so erscheint die sayste vñ stundē auf dē harn.

Vom wasserfarbē vñ dünnē harn

Etwen geet d' harn zu wasserig vñ dünn etwo trüb/dz köpt vñ vil essen vñ trinckē das man nit deüē mag. **K**ömpf es aber vñ siechtumb/das bedēüt krankheit d' lebern dauon kommet ein wetag in die gerechten seÿten/vnd so nympt dann die leber vnna türlich hiez an sich als den ritten. **H**at aber d' mēsch ein sucht vñ ist d' harn weiß wasserig/dz bedēüt ein lāge sucht vñ d' kelt. **I**st

Der Nierd Tepl

aber der mensch an der bekerung das d haren mit trüb ist an dē boden / das bedēüt das d mensch anderweyß in die sucht wil fallē / wann die sucht ist bei jm beliben / dardurch die trübe des horns solt sein von jm kōmē dēn ist des menschen zefürchtē vō d lēge des siechtumbs.

Don rottem. weyß. sem. plaichem. oder von gelbem harn.

Et wen geet der harn rot. geel. weyß oß plaich vom menschen. vnd beleibt doch im gelass dünn Er ist auch etwo dick vñ wirt dan dünn. Geet aber der harn dünn vō dē menschen vnd wirt mit trüb. vnd ist d siechtumb groß in der sucht / das bedēüt ein langen siechtumb. vnd d3 sich die sucht weret wiß die natur. wirt aber der harn trüb vñ senckt sich die trübe nider jm harn / so kriegget die natur mit der sucht / eintweder zūm leben oß zūm tod / oß zū eym mittel als **E**d-stantinus spricht. Zū ganzē gesunt zeühet es sich so die trübe jm harn weiß wirt Vñ sich sensükllich an den poden senckt. vñ sich vnden prāytet. Aber zū ganzē übel so sich die trüb zerplāt. aber zūm mittel so die trüb

Das lxiii. blat

wolckenfar wirt vnd grünsae/ dann so ist die sucht zefürchten. Merck eben Ye trater vnd schnäller sich die gelassen harn vñ wäden/ das er oben lauter vñ vnden trüb wirt ye ee der mensch gesund wirt.

Don weÿßsem dickē stinckende harn.

Ist das d harn weis vnd dick wirt vnd stinckt/ das bedeüt den tod vñnd besund in ainer sucht. vnd so es mit von d platern kömet. Köpt es aber vñ d plater/ so ist jm vor nen jm leichnā wee. vnd hat mit vil hiez. es bedeüt etwen krankheit d permüter/ dann sol aber d harn wān er ein weil gestat obē trüb werden vñ vnden dick. Etwo bedeüt es das sich die natur reiniget vnd die sucht austreibt. vnd besund ist d viertägig rÿtt so sol des harn vil vnd dünn sein. Ist er aber oben schwarz vnd vnden dünn. Vnd hat d mensch ein sucht vñ wee des haubts so wil er sich bekern mit dē plüt d nasen.

Don weÿßsem lauterm harn.

Ist d harn weis vnd lauter als wasser/ das bedeüt sucht des milczs. Dē ist wee in d linckē seÿten. Es bedeüt auch das d harn

Der Vierd Teyl

ungeedeuet ist vnd ein kalte natur des menschlichen. Ist aber der harn weiß vnd oben schwarzlot vnd pleyßar / das bedeut wasser sucht. Ist er weiß vnd dünn / bedeut d lende weeten. Ist er weiß vñ dünn vnd vyl sayste vnd kleine ding als sand am boden ligen / bedeut krankheit d platern / vnd dz er den harn nit vhalten mag. Ist er weiß vnd dünn in einer sucht. bedeut lange siechtagen von d kelte vnd ist zu besorgen.

Wō pleyßarbē harn in latein Liuidia
Ei harn heist zu latein Liuidia d ist pleyßar vnd oben schwarz / das kömet etwan von dreitägigē ritten d dann von kelt vnd außwendiger hiez kömet. Er bedeut auch die rür. so sol des harn wenig sein. Vñ geet er vil zestul / so wirt des harns auch destee weniger / wann er geet etwen mit der rür. Hat er aber den ritten so ist sein wenig von hiez wegen / dardurch die feuchte vschwendet wirt. Auch wirt er etwo pleyßar vonn krankheit der lungen / das geschihet etwo von dē fluß des haubts der auf sy fleußt vñ so die lung zu vol fleußt / das erkenn also.

Das Arziii. blat

Der harn ist oben schaumig vnd dē siechē wee in der gelincken seÿten. **K**öpt es vō d leber/so ist d harn pleÿsar vnd dick/dē ist i d rechten seÿten wee. **E**twan wirt der harn pleÿsar von krankheit des gedärms. das erkenn also. dē ist vnd dē nabel wee. **I**st es von würeme/so hat er onmächikeit. vñ grīmet in im leib. vnd söl d harn rot vñ trüb sein. **K**omet es aber vō d rür/so sol des harns wenig sein. **E**s bedeüt auch etwen eÿn geschwōz in arßdarm/das erkenn also. er mag vor d geschwulst nit zū stül geē noch geharn. **E**r wirt auch pleÿsar vmb daz ein frau ires rechten zū vil od wenig hat. **A**lso sol d harn dick sein. vnd vil trübs am poden ligen/so ist jr vnd dē nabel wee. **K**öptt es aber von d plater/so ligt vil dings am podē als klein. **I**tez d pleÿsar harn bedeüt etwen den tod/vnd etwo nit. **S**öl aber der mensch genesen/so wirt d harn oben lauter vñ vnden trüb. **S**öl er aber sterben so wirt sein wenig vnd leüttert sich nit.

Dō wolckenfarbē harn in einer sucht
Ist d harn wolckēfar in einer sucht/dz

Der Vierz Tepl

bedeut etwo den tod etwo nit. D3 leben be
deut er so d mensch schlaft. vnd bey sei syn
nen ist. vnd senft atmet. Hat er die syn nit.
vnd atmet trat vnseft/ bedeutet den tod. ist
aber d harn wolckenfar vnd dick. vnd vil
sands am poden ligt/ bedeutet d stein. Ist er
aber also gestalt als klein sandt am poden
bedeut Colicam/ das ist ein sucht im vnden
darm. Dñ ist etwo ein geschwer/ des erken
also an d geschwulst d tuit das harn wee.
Etwo ist d harn wolckenfar. von d rür/ al
so ist er trüb vnd wenig. Ist er aber plaich
wolckenfar vnd pleyfar. vnd fert vil stau
bes darinn/ d3 bedeutet ein geschwör im leib.
Vnd bedeutet etwo die wassersucht.

Dom harn genant zu latein. Zitrina.

Ein harn heist Zitrina. d sieht als citmar.
gramapffel schelf. Der bedeutet an eym jun
gen menschen ob er oben vil schaums hat/
ein sucht vmb die prust. vnd ein dürre des
leibs. Ist er aber dünn vnd schomhaft/ d3
bedeut ein sucht des milczs. hat er aber nit
vil schaums vnd sein vil ist/ bedeutet hörzig
keit im leib. mag d mensch nit zu stul geen.

Das Iru. blat

vnd ist die leber siech. Ist er aber zu dē erste
in der sucht also gestalt/so bedēit er ein an
gste sucht. vnd ist des menschen zefürchten/
vnd verleürt etwo dye synn.

Von rotem harn.

Ist der harn rot als gold weder zedünn
noch zedick/dz bedēit gesuntheit. Ist er ab
er rot vnd nit zu wenig in einer sucht/ das
ist gut. Ist sein aber wenig. vnd die wolck
en darinn schwarz/ das ist tötlich. Ist er a
ber rot als plut/so ist es aber tötlich. Ist er
rot vnd wenig in einer wassersucht/daz be
deüt den tod. Hat aber ein mensch vil überi
ger vnnatürlicher hiez. als in dē ritten. vñ
ist der harn dick vnd oben pleÿfar. vñ au
ch darinn kleine weÿsse körnln/ das bedēit
tet einen tötlichen siechtumb. dē man dauō
nit gehelffen mag.

Vier dīng sōl man an dē harn merckē

Merck eben/ ist das ein zürckel erscheint
im harn vnd ist prāÿt vnd dick vnd auch
wasserfar/ das bedēit ein siechtumb in dez
haubt vō kelte vñ von feüchte. Ist er aber
rot vñ dick/ das bedēit ein siechtūb vornē

Der Vierd Teyl

in der sarnen von überflüssigem plüt. Ist er aber rot vnd klein/das bedeut ein sucht in der rechten seyten von hiez vnd von dürrer. Ist er aber weiß vnd klein/so ist im wee i der lincken seyten des haubts von hiez vñ von dürrer. Ist aber der zirckel pleyfar vnd schwarcz/daz bedeut ein krancke sucht des hirns. vnd ist denn des menschen zefürchten vor dem tod. Verkert sich aber der zirckel i ein rote liechte schwarcz/so ist sein aber zu fürchten. wirt aber der zirckel grün als ein gras/so ist sein zu besorgen das der mēsche von den synnen komme.

Vom harn darjn ein kügeln erscheit.

Ist das ein püllin oben erscheint jm haren als ein wasser darein es regnet vnd die trat zerget/das bedeut ein langen siechtū be d lenden vnd böß wınd jm leib. vnd ein kranck haubt. Ist aber das in dem zirckel erscheint ein schaum klein als die köznlīn/dz bedeut ein haubtfluß auf die pruste oder auf die lungen. Vñ fleußt es auf die lunge so ist das wee in der gelincken seyten. fleußt es aber auf die prust/so ist im wee vorne

Das lxxi. blat

auff der prust. Erscheinet aber do ein wolcken vornē auf dē harn als ein spinnēwep d3 bedeüt ein kräckheit d prust vñ d lūgē?

Vom harn darauf vil schaums ist.

Ist allweg vil schaums auf dē harn/daz bedeüt ein kranckheit der prust vñd ein hīcze d leber vñd ein prächen d dārm. **Ist** der schaum gestalt als saffran/bedeüt die gelsucht. **Sihet** mā aytter jm glas/bedeüt ein siechtagen d lend od plater. vñd söl d harn stincken. vñ jm sol vñd dē nabel wee sei. kōmet es vō d leber/so stinckt d harn. vñ hatt wee in d rechten seytē. **Ist** der harn trübe. als vil trübß ding darinn wār vñd seinde oben in dem harn/das bedeüt einen siechtūbe vmb dye prust. **Beleyhet** aber die trüb mitten jm harn. vñd geet nit gen boden/d3 bedeütet einen siechtumb vmb den magen. vñd der dārm. **Ist** aber die trübe am podē vñd der harn rot/das bedeüt ein suchtt der platern vñd der lenden.

Von plütigem harn.

Sihet man plüt jm harn das kōmet ettwen von d leber/so söl das plüt lautter sein

Der Vierd Teyl

vnd ist dem siechen wee in der rechten seyt
ten. Köpt es aber von der plater/ so soll es
vnden an dem boden ligen. vnd sol sänckē.
Komet es aber vō d ruck adern/ So ist des
plütes vil. vñ ist lautter. vnd ist dē siechen
im rucken wee.

Wō sandigē harn

Sihet man sand am pe dē ligen im harn
das bedeüt etwen den stein in d plater oder
lenden. Ist er in der plater/ so ist d sand wei
se. Vnd wann man es mit vngern zertrēi
bet/ so ist es hört. vnd ist der harn wolcken
far vnd trüb. Er köpt auch etwen von üb
riger hiez vnd durre/ oder von scharpffer
ercznei/ die in in dem leib zerfürt hat/ oder
ob er sich mit frauen od andern dingen zer
prohen hat/ So ist der sand so man in zer
reißt in den henden waich. Vnd sol den fra
gen ob es im von hiez von frauē oder von
ercznei kommen seÿ.

Von geschüpte od kleüwige harn

Sihet mā schuppen od klein ding im ha
ren/ dz küpt etwo von eÿm geschwōr in d
plater/ so sol im vornen im haubt wee sein
Etwo köpt es von bēser hiez od durre/ so

Das ·lxvii· **blat**

ist im übel zehelffen. vnd hat böß hiez dñe
prýnt allenth alb im leib. Seind aber klei
ne kōznlīn im harn / daz kōmet von dreýen
dingen. Etwo von fließen oð grýmmen in
dem leib / so sol der harn trüb sein. Etwē kō
met es von frauen / so sy kind tragend / So
seid die schüppeln oð kōznlīn rot / so treget
sy ein sun. seind sy aber weiß / so treget sy ei
tochter. vnd sol der harn lauter sein. vñ soll
jr vast gern vnwillen. Vnd werden jr die
prúst hert. vnd schlecht jr puls schnall.

Hie vindestu von dem puls
vnd von seiner aygenschaft.



En puls soltu an siechen vnd
gesunden menschen also erken
nen / wann der arzt dē pulße
will greiffen / das sol er an dez
lincken arm tūn / wann dz her
ze ligt an d̄ gelincken seýten. Vnd sol des
siechen lincke hand in sein lincke hand ná
men / damit er sich nit vast pýeg. vñnd den
arm gemächlich heben / das d̄ puls nit gehi
dert werd. vnd dann mit der rechten hand
mit den fünf vingern auf die puls greiffen

Der Vierd Teyl

vnd sol mercken ob er bald od langsaz schlahe/klein oder grof/kurcz oder lang. Ey-
nen langen puls empfindet man vnd allen
vngern. Ein träger puls schlecht langsaz.
Ein grosse puls erhebt all vinger. Ein klei-
ner puls ist die man kaum greiffen vnn
empfinden mag.

Von mann vnd frauen puls.

Die mann habend gröffer puls dan dye
frauen. vnd die jungen gröffer dann die al-
ten. Der puls ist auch im Sumer schnäller
dann im wintter. vnd wer von natur heif
ist vnd feucht/d hat ein grossen schnällen
puls. Vnd wer von natur kalt vn dürz ist
d hat ein kleinen trägen puls. Ist aber der
mensch heiffer vnd truckner natur/so ist
d puls klein vnd schnäll. Ist er aber kalter
vn feuchter natur/so ist d puls träg kurcz
vn grof. Wie mā dē puls greiffen sol.

So du den puls greiffest so soltu die hāt
mit herab tūn biß sy hūdert mal geschlagē
hab/wān d puls ist etwan zum ersten krā-
cke. vnd wirt darnach starck vnd das ist
ein gūt zaichen/wann die natur sterckt vn

Das **ixviii** **blat**

der siechtumb mynnert sich. Ist aber d̄ye
ader des ersten starck. vnd mynnertt sich
von schlag zeschlag/ das ist ein böß zaichē.
wann die such̄t nympt überhand vnd krē
cket die natur. **M**erck auch das man des
menschen kraft vindet an dem puls/ wann
ist das hertz starck/ so ist auch der puls star
cke. Ist aber das hertz des mensche kranck/
so ist der puls auch kranck.

Was der puls an seym schlag bedeüt

Es spricht Egidius. Ist der puls grosse
vnd starcke an einem gesunden menschen
Das bedeüt gesuntheit des hertzen. vnd ei
miltes fröliches mensch des gelider gesunt
seind. Ist aber der puls groß vnd schlecht
behend an einē siechen menschen/ das bedeü
tet böse vnreyn̄e h̄ȳcz vnd merckliche krā
ckheyt vnnd beschwārnus̄ aller gelȳder.
vnd grossen vngemach vnd pherencknus̄
vmb d̄ye prust vnnd auch vmb das hertz
Ist aber der puls an einem gesunden men
schen klein/ daz bedeütet ain vast krancke
vnnd auch kalte natur vnd abnemen des
leybes/ vnnd eyn trauriges hertz. Ist auch

Der Vierd Tepl

der puls klein in einem siechē menschen. dz
ist ein böß zaichen. vnd besunder so d̄ men-
sche vnreynē hiez in jm hat/ wann der sie-
chtumb sterckt sich. vnd wirt die natur ge-
schwecht vñ krenckt. **S**chlecht aber d̄ puls
an einem gesunden menschen behend. vnd
ist klein/ das bedeüt ein heÿsse durre natur
Vnd ist d̄ men- ch gächzornig. des zorn ist
schier hin. **I**st aber der puls schnäll vñ trat
in einer sucht. vnd hat der mensch vil hieze
das bedeüt ein sucht vnd krankheit d̄ pru-
ste vnd des herzens.

Wie vindest du die aÿgen schafft an gelasñem plüt



Nunwar ist dz plüt so du ge-
lassen hast mit schaum umb-
geben/ so ist dz wee bei d̄ prust
Vñ ist d̄ mensch gern rüczig

Don grūnfarbem plüt

Ist dz plüt so du gelassen hast grūnfar/
so ist dz wee bei herczē

Do gelbē plüt.

Wirt das gelassen plüt bald gelbfar/ so
ist dem kranken das wee bei der leber.

Don dem schwarzen plüt

Das .lxix. blat

Ist dann daz gelassen plüt schwarz vñ hert/ so ha tu es zu lang getragen.

Von rottem plüt.

Ist das plüt rot. vnd hat einen schwarzen ring/ so ist der mensch im haubt kräck.

Von herttem plüt.

Ist dz plüt hert vñ schwarz. vñ hat ein roten ring/ so hat der mensch das gicht.

Von wässerigem plüt.

Ist das plüt schwarz vnd hat vil wassers oben/ den selben menschen will das kalte gicht oder der ritt ankommen. Vnd ist aber das wasser vnden/ so wirt der mensche wassersüchtig. Ist auch das plüt rot/ vnd hat wenig wassers oben/ d selb mēsch ist gesund.

Wz ein jecklich plüt bedeüt.

Ist ein plüt on wasser/ daz bedeüt trückne des herzens vnd des leibs. Vnd wirt d mensch aussczig. Ist es aber schwarz das bedeüt die groben vñnerdeüten feüchtigkeit im leyb. Ist es aber plaich/ das bedeüt d eckelt des herzens. Gesteet es aber bald darnach nach der aderläß/ das bedeüt ein warmen leib. Gesteet es aber nit bald darnach/

Der Vierd Teyl

so bedeu't es einen kalten leyb.

Wenn man das plüt
mit mer geen sol lassen.

Hastu gelassen vnd geet schwarz plüt
von dir so hör mit auf bis es rot werd. Ist
es aber vast dick so hör mit auff bis es dünn
werde. Ist es aber dünn vnd wässertig So
laß es vor dick werden.

Ein guten Triet machen.



O yemantt wolt machen eyn
triet das einen guten linden stül
le machet die ei jecklicher me-
sche er sey jung oder alt wol
nemen mag on schaden. Dnāz
die hernach geschribne stuck darzu. Nym
zwölf lot zuckers / ein lot anis / ein lot ym-
ber / ein lot langen pfeffer / ein lot rözlin / vñ
vier lot senit. Dýse stuck die soll man alle
klein stossen yecklichs besunder / vnd dann
alle durch einander müschē / vnd ein triet
darauf machen Vnd wenn ein mensche ey-
nen senfften linden stül wöll haben oð zwe-
der sol des aubents als er sich will schlaffen
legen ein schnitten vonn einer semeln päen

Das lxx blat

lassen vnd darin das triet darauß säen. vnd sol dann das also essen. vnd nicht mer darauß trincken. Vnd leg sich darauß schlaffē so ge wynnēt dann der mensch an dem morgen ein oder zwen senfft stül gēg. Das istt bewäret.

Item wer ein starcke purgacz oder fürbung haben wöll dye jm fünff oder sechß oder sibē oder ächt stül pringē / der nāme des Senit, deſter mer.

Für das fieber.

Item wer das fieber hat Der sol mit groſsem fleiß meyde in essen vnn̄d in trincken allē wein vnd vorauß dye starcken wein. wann sy gebend alle groſſe hieze. Item wellicher mensch auch dz fieber hat der sol nicht baden be y tötlichem schaden. Er sol sich auch fleißig kliden hūten vor allen hiezigē dingen vnd die ver meyden / wann das gar ſchedlichen iſt vnd beſorgkliden. Alles gewürce wye das genant iſt / wann das alles pringet hieze. Er soll auch meyden flaiſch. ayer. milch vñ

Der **V**ierd **T**eyl

auch muß außgenommen habzin müßlin mit essich vnd gersten mit flayßchpru vnd essich mandelmüßlin mandelmilch junger hünner prū mit schönem prot mag er essen. Man sol in auch mit übertreyben mit essen vnd mit trincken das mittel halt / wān zū vil das pringet schade zū wenig des geleychen / daz mitel daz halt / so wirt er destet eegesund. Item er mag wol niessen on alle sorge zū einer außtreybenden ertznei / wann er will Cassia Fistule mit gersten wasser durchgetrungen. Er mag nyessen margrā öpffel holzöpffel. Pomeranczen. Zitr on. Manus chrisi. Zucker rosat. Item er mag trincken gersten wasser. Mardistel wasser Holzöpffel tranck. Erpsich tranck. Eyn gemacht schlehen. Das alles kület in vnnnd prindt im nicht schaden / dan die best ertznei ist in dem vnnnd in andern siechtumben sich ordenlichen halten vnd allzeit ein auff merckung haben waz im wol od übel zymme. Darmit endet sich diß vierd teil vnnnd das Regiment der gesuntheit.

Dienach volget das Register.



Ne hebt sich an dz Re

gister vnd die Capitel dýses
nachgeschriben büchllins genē
net Regimen sanitatis. Dz ist
von d ordnung d gesuntheit.

Ezu dem ersten die vorred. als Job schrei
bet von den menschen die zu dem rechten en
de ires lebens das in got aufgesetzt hat mit
kommend. Such das an dem .ij. blat

Von den vier zeyten des jars / das ist vō
dem Gelencz. Summer. Herbst. vnd Wint
ter. wie man sich darinn halten söl .iiij.

Von den zwölff monaten / waz darinnē
zethūn oder zelassen sey v. blat

Wie ein yecklicher mensch von den vier
complexion geschaffen sey .xij. blat.



As ander teil diß büchs sagett
von der gesuntheit als Anicen
na spricht an dem .xiiij. blat

Wie man sich vor dem essen
halten söl .xv. blat

Von feüchter. kalter. truckner. vnd say
ster speiß an dem .xviij. blat

Wz speiß dē menschen gesund sey .xviij

Von dez wein. vnd wie man sich mit dē

trinken halten soll. es sey mit wasser. wei.
p̃yer. mett. vnd allem getranck. Vnd w̃ye
du ein ỹeckliche complexion in dem getr̃a
cke erkennen sollt

xix. blat

Auch von der ordnũg des schlauffs tags
od̃ nachtes vor dez essen/ oder nach d̃e essen
auff w̃ollicher seÿten. Vnd wie mā sich mit
dem schlaff halten sol

xxv. blat.

Wie vnd wann man baden sol. vnd wie
mā sich im bad vor vñ nach haltē sol. xxviij

Wie man sich in dem aderlassen haltē sol
vor vnd nach. vnd wellichen menschen altē
oder jungen/ mannen oder frauen das ader
lassen gũt sey Such an dem

xxxij. blat

Zu wellicher zeit vnd von allen adern ze
lassen/ woz nucztes vñnd gesuntheÿt dauon
kommet an dem

xxxij. blat.

Von d̃e vnwillen zum mund auß/ was
nucztes dauon kũm. Auch von d̃e. Cristiern
gũt vnderweÿßung.

xlj. blat.



Er drit teÿl saget von der Pe
stilencz/ wie man sich mit essen
vnd mit trinckē/ auch mit ad
lassen vnd ertzney zu der zeÿt
so d̃ye pestilencz regniert be=

waren vnd halten soll.

xlüij. blat



An dem vierden teil vündet mā
auch wie man einen gesunden
menschen erkennen soll. vnnnd
ob er von überigez plüt siech
sey. Vnd wān einem mensche
ein grosse sucht besteen will. Auch so er den
frözer hat in einer sucht. vnd von dem ma-
gen/ wie sich speyß vnd tranck darinn ver-
wandlet an dem

.liij. blat.

Wie ein mensch den harn vahn sol. vnd
wellicher zeit. vnd was ein yeder haren
bedeüet. Des gleichen der puls vnnnd das
gelassen plüt an dem.

.lx. blat.


Hie endet sich das Register vnd büchlin
genannt Regimen sanitatis/ das ist/ wye
sich ein mensch halten sol das er gesund be-
leib. Vñ ob er krank wär vnderweyßung
vnd gütt ler auch heylsamen ercneyß das er
wid zu gesuntheit komme. Getrucket vñ
vollendet in der keyserlichē stat Augspurg
vñ Anthonic Sorg. Nach der menschwer-
dung Cristi. M. CCCC. vnd. LXXXX. Jar.

4340
RRW.C. - one

73 all got.

13745 C.A.T.
Landing 74
R.R. Co. Highway
[Faint, mostly illegible text follows]

E



WZ 220 K3557 1490

Invert, 385

